

Atortunik innaallagissamik ingerlatsilinnik ingerlatsinermi isumannaallissaneq pillugu Namminersorlutik Oqartussat nalunaarutaat

6, imm 1 naapertorlugu Sanaartukkat innaallagissamut atugassat, innaallagissamut ikkusuinerit aamma atortut innaallagiatortut pillugit Inatsisartut peqqussataat nr. 12, 3. november 1994-imeersumi, Inatsisartut inatsisaanni nr. 19, 12. juni 2019-imeersumi allanngortinneqartumi, Innaallagissiornermut Oqartussanit aalajangersaneqassaaq:

Kapitali 1

Atuuffia amma nassuaatit

Atuuffia

§ 1. Nalunaarut manna atuuffia tassaavoq, atortunik innaallagiatortunik ingerlatsineq aamma innaallagissamik sakkortuumik pingarnernik ikkussuineq.

Imm. 2. Nalunaarut atuutinngilaq sanaartukkanik innaallagissamik nioqqutissiornermut atorneqartussanik aamma innaallagissamik nukissiamik toqqorsivinnik ingerlatsinermut aamma sullissinermut, taakkua nalinginnaasumik 1000 V ac imaluunniit 1500 V dc angullugu tikillugulu sarfaqarpata, nalunaarutassiaq innaallagiatortunik ikkussukkanik suliaqarnermi aamma ingerlatsinermi isumannaallisaaneq naapertorlugu ingerlanneqarpata.

Isumannaallisaanermut piumasaqaatit

§ 2. Atortut innaallagiatortut suliarineqassapput aamma ingerlatinneqassapput imatut, taakkua inunnut, uumasuutinut imaluunniit illunut navianartorsiortitsisinnaajunnaarlugit.

Nassuaatit

§ 3. Nalunaarut imatut paasineqassapput:

- 1) Mianersoqqusilluni nalunaaqutsiineq: Allagartat imaluunniit erfalasut sarfalinnik peqarneranik sissueqquisut.
- 2) Suliaqarneq: Allannguinerit, sanaqqiinerit aamma nutarterinerit suugaluartut tamarmik.
- 3) Sarfap ingerlaarfiata eqqaani suliaqarneq: Suliaqarnermik ingerlatsineq tassani inuk timimi ilaa, sakkut,

atortut imaluunniit atortussiat atorlugit qanillilluni suliaqartoq, taamaattorli navianartorsiorfiusumut pin-nani.

4) Atortuni sarfalinni suliaqarneq: Suliaqarnermik ingerlatsineq tassani inuk timimi ilaa, sakkut, atortut i-maluunniit atortussiat atorlugit ilisimallugu sarfallit ilaannik atuisoq imaluunniit navianartorsiorfiup ilua-niittoq.

5) Suleqatigiit: Inuit marluk imaluunniit amerlanerusut taakkununnga ilaalluni suleqatigiinnik aqtsisoq (holdleder) ataatsimoorlutik suliffigisami suliaqarnermik ingerlatsisut.

6) Suliaqarnermi nunamut atassusiineq: Suliffigisami nunamut ikkussineq aamma attuutsitsilluni attavee-rutitsineq (kortslutning) imaluunniit kabelinut atortut aamma ledningit silaannakkoortut akornanni nuna-mut ikkussineq aamma attuuttoortitsineq, kabelinut atortunik suliaqartussaanermut tunngatillugu.

7) Sulinermik aqtsisoq: Inuk ilisimasaqartoq allaganngorlugu toqqarneqarsimasoq aqtsisussatut aamma suliaqarnermik ingerlatsinerup eqqortuuneranik nakkutilliisussatut.

8) Suliaqarnermik ingerlatsineq: Ataatsimoortumik taaguusersuut sarfaqanngitsumik suliaqarnermut, sar-faqartunik suliaqarnermut aamma sarfallit ilaasa eqqaanni suliaqarnermut. Tamatumunnga ilaapputtaaq a-serfallatsaaliuilluni suliaqarnermi periuseq.

9) Assiaqt: Illersuutissatut atortoq iserfissanit nalinginnaasunit tamanit toqqaannartumik attuinissamut illersuutaasoq. Taanna tassaasinnaavoq atortut innaallagiartortut aalajangiullugu ikkunneqarsimasoq.

10) Illersuutissatut atortut: Assersuutinut, assiaqutinut, attuutitsinaveersarluni matoorutaasunut aamma qalilersuinernut ataatsimoortumik taaguusersuutit.

11) Ingerlatsinermik ingerlatitsineq: Ingerlatsineq tassani siunertarineqarluni atortut innaallagiartortut innaallagissamik atuinerannik allanngortitsinissaq.

12) Inuk ingerlatsinermut akisussaasusoq: Suliffeqarfimmi ingerlatsinermut akisussaasuuusumi aamma I-naallagissiornermut Oqartussaasunit akuerineqarsimsumik sulisoq, taassuma qulakkiissavaa suliatigut piginnaasat pisariaqartut atortunik innaallagiartortunik ingerlatsinermut tunngatillugu.

13) Suliffeqarfik ingerlatsinermut akisussaasusoq: Suliffeqarfik atortunik innaallagiartortunik ingerlatsi-nermik isumaginnittooq.

14) Ingerlatsinermi periutsit: Ingerlatsinermi ingerlatat aamma ingerlasunik nakkutilliinermut ataatsi-moortumik taaguusersuut. Ingerlatsinermi periuseq tassaasinnaavoq suliaqarnermi periutsip ilaa.

15) Atortut naaffiani nunamut attavinnik ikkussineq: Atortut nunamut attaviinik ikkussineq aamma at-tuutsitsilluni attaveerutitsineq (kortslutning) immikkoortitsiviup eqqaani, sarfamik immikkoortitsivimmi i-maluunniit atortut sarfallit aamma sarfaqanngitsut akornanni immikkoortitsivimmi.

16) Navianartorsiorfiusinnaasup killinga: Sarfamik DL-imik ingerlaarfigineqartumik suliaqarfiup eqqaani killiffik. Sarfamik ingerlaarfigineqartup ilai eqqaaniittooq tassani tapiinnaallisaanerup annertussusia innaal-lagissamit navianartorsiortitsineqarsinnaanermut naammannani, soorlu inuit taanna qarsuppassuk ima-luunniit sumiiffimmut appakaallutik, tak. ilanngussaq 2.

17) Ingerlasunik nakkutilliineq: Ingerlatsineq tassani siunertaalluni atortup qanoq inneranik nakkutilliineq, kiisalu qulakkiissallugu teknikimut piumasaqaatit tunngavigalugu ajunngitsumik ingerlanera.

18) Suleqatigiinnik aqtsisoq (holdleder): Inuk paasisimasalik allaganngorlugu toqqarneqarsimasoq aqut-sisussatut aamma suliaqarfimmi suliap ingerlanneqarneranik nakkutilliisussatut.

19) Inuk ilitsersuunneqarsimasoq: Inuk ilitsersorneqarsimasoq inummik paasisimasalimmik, taamaalilluni pineqartoq navianartunik innaallagissap pilersissinnaasaanik pinngitsuuvisinnaanngorlugu.

20) Ilitsersuut: Inummik ingerlatsinermut akisussaasuuusumit allaganngorlugu nalunaarut, tassani erseq-

qissaatigineqarluni suliassaq aalajangersimasoq kimit suliarineqassanersoq, imaluunniit ingerlatsineq aala-jangersimasoq kiap isumagissaneraa pillugu.

21) Ilitsersuineq: Oqaasiinnartigut imaluunniit allaganngorlugu nassuaassut ingerlatsinermi imaluunniit sulinermi periusissaq qanoq suliarineqarnissaa pillugu, imaluunniit isumannaallisaanermut tunngatillugu eqortumik periuseqarnissaq pillugu nassuaassut.

22) Attuutitsinaveersaarluni assiaqusiineq: Utaqqiisaagallartumik illersuutissamik aaqqiineq nalinginnaa-sumik qaliusamik imaluunniit saattukujuumik attuunnaveersaakkamik, taassuma pinngitsoortissavaa sar-fallit ilaasa attuunnaveersaaserneqanngitsut imaluunniit sarfaqanngitsut ilaasa eqqaanni inuit suliaqarner-minni navianartorsiorfusinnaasup killinginut piaarinatik attuuttoornissaat.

23) Atortut innaallagiartortut nunamut attavii: Attavik nunap aamma atortumi aqquqtit ataatsip imaluun-niit arlallit akornanni nunamut attavilerneqarnerat.

24) Atortut innaallagiartortut nunamut attavilerfiat: Sumiiffik atortut innaallagiartortut nunamut attavi-lerneqarfiat aamma attuutsitsilluni attaveerutitsiffingeqartoq.

25) Ikkussisarnermut aqutsisoq (koblingsleder): Inuk paasisimasalik allaganngorlugu toqqarneqarsimasoq atortut innaallagissamik sakkortuumik sarfallit ikkunneqarnissaannik aamma qanoq ingerlaneranni nakku-tilliisussatut, tamatumunnga ilanggullugu ikkussinermik aqutsineq atortut innaallagissamik sakkortuumik sarfalinnik imaluunniit eqqaanni suliaqarnermut atatillugu.

26) Inuk ikkussisartoq (koblingsperson): Inuk paasisimasalik allaganngorlugu toqqarneqarsimasoq ima-luunniit ikkussisarnermut aqutsisumik peqquneqarnermigut atortut innaallagissamik sakkortuumik sarfal-lit ikkunneqarnissaannik suliaqartartoq.

27) Ingerlatsinerup pitsaassusianik qulakkeerinninnermut atortoq: Atortoq tassaasoq periutsinik aamma uppernarsaasersuutinik ilaqrtoq qulakkeerinnittussaq, atortut innaallagiartortut inunnut, uumasuutinut imaluunniit illuutinut ajoqusiisinhaanatik ingerlanissaannik. Atortoq tassaasinnaavoq Pitsaassutsimik A-qutsinermut atortoq (KLS)/Pitsaassutsip Isumannaatsuunissaanik aqutsisut (SKS), imaluunniit atortoq a-tortut taakkua marluk arlaannut assingusooq.

28) Qanillatorfusinnaasup killinga: Sumiiffik navianartorsiorfusinnaasup killingata avataaniittoo DV, tak. ilanngussaq 2.

29) Innaallagissamik sakkortuumik sarfallit ikkussukkat pingarnerit: Ikkussukkat innaallagissamik sak-kortuumik sarfalimmik atortumit toqqaannartumik pilersorneqartut.

Suliassat ingerlanneqartarnerat: Ingerlatsinermi suliassat aamma suliaqarnermi suliassat ingerlanneqartar-nerat pillugit ataatsimut oqariaaseq.

31) Inuk paasisimasalik: Inuk tulluartumik ilinniagalik, ilisimasalik aamma misilittagalik tamakku tunngavi-galigit pineqartoq nalorninartunik misissueqqissaarsinnaavoq navianartunillu innaallagissap pilersissin-naasaanik pinngitsoortitsilluni.

32) Isumannaallisaanermut ungassisuseq: Ungassisuseq silaannakkut uuttormilugu atortut sakkortuumik in-naallagiallit sarfaqartut suliarineqarneranni imaluunniit qanillinerani qulakkeerinninnermut aalajangerne-qartartoq, inuit suliassamik suliarinnittut sarfallit illersuutitaqanngitsut eqqaannut navianartorsiorfiusup killinganut siunertaanngitsumik tamatumunnga peqqunagit.

33) Isumannaallisaanermut inuttaasoq: Suleqatigiit akornanni inuk paasisimasalik suleqatigiinnik aqutsi-sumit toqqarneqartoq isumannaallisaanermut ungassisusissap eqqortinneqarnerani nakkutilliisussatut.

34) Assiaqut: Utaqqiisaagallartumik illersuutissamik aaqqiineq taassuma pinngitsoortissavaa sarfallit at-tuunnaveersaaserneqarsimasunut imaluunniit attuunnaveersaaserneqarsimannngitsunut atortunut sunul-

Iluunniit imaluunniit atortut innaallagiartortut ilaannut isernissaq, tassa tamaani innaallagissamik navianartorsiorfiusinnaasumut.

35) Stationeqarfik: Sumiiffinnut innaallagiartortunik atortoqarfiusunut ataatsimoortumik taaguusersuut.

Kapitali 2

Nalinginnaasunik atuineq

§ 4. Atortunik innaallagiartortunik ingerlatsinermi nalinginnaasumik malittarisassaq EN 50110 Drift af elektriske installationer og elektriske anlæg (Ikkussukkanik innaallagiartortunik aamma atortunik innaallagiartortunik ingerlatsineq) nalunaarummut matumunnga ilanngullugu atorneqarsinnaavoq, taamaaliornik-kut § 2-mi isumannaallisaanermut piumasaqaat eqqortinneqartutut isigineqassaaq.

Imm. 2. Nalinginnaasumik malittarisassaq EN 50110 atorneqanngippat imaluunniit ilaannaa atorneqarlu-ni taava atortumik innaallagiartortumik piginnittup uppernarsaasissavaa, aaqqiinermi toqqarneqartumi i-sumannaallisaanerup annertussusia minnerpaamik nalinginnaasumi EN 50110-misut isumannaallisaaner-tut annertutigisoq, taamaaliornikkut § 2-mi isumannaallisaanermut piumasaqaat eqqortinneqartutut isigineqassaaq.

Imm. 3. Uppernarsaasersuut, tak. imm. 2, ingerlatsinermik pitsaassutsimut qulakkeerinninnermut atortu-mi toqqorneqarsimassaaq, tak. ilanngussaq 1, immikkoortoq VI, normu 3.

Tamanut saqqummiussineq

§ 5. Malitarisassaq EN 50110 nalunaarummi matumanii innersuunneqartoq, Dansk Standard aqqutigalu-gu pisiarineqarsinnaavoq imaluunniit Innaallagissiornermut Oqortussani misissorneqarsinnaalluni.

Kapitali 3

Atortut innaallagiartortut ingerlanneqarnerannik isumaginninneq

§ 6. Atortunik innaallagiartortunik piginnittup atortumit ingerlatsineq suliffeqarfimmumt ingerlatsinermut akisussaasuusussamut isumagitissavaa, tassannga inuk ingerlatsinermut akisussaasuusoq atorfinitsin-ne-qassaaq Innaallagissiornermut Oqartussanut nalunaarutigineqarsimassalluni, tak. § 13.

Imm. 2. Suliffeqarfik ingerlatsinermut akisussaasuusoq, tak. imm. 1, tassaassaaq atortumik innaallagiartortumik piginnittoq taanna suliffeqarfiuguni, imaluunniit suliffeqarfik atortumik innaallagiartortumik pi-ginnittup isumaqatigiissummik atsioqatigisimasa.

Ingerlatsinermik isumaginninneq pillugu nalunaaruteqarneq

§ 7. Suliffeqarfip atortumik innaallagiartortumik ingerlatsinermut akisussaasuusup Innaallagissiorner-mut Oqartussanut nalunaarutigissavaa, suliffeqarfip atortunik innaallagiartortunik tassaalluni suliffeqarfik ingerlatsinermut akisussaasuusoq, tak. § 6.

Imm. 2. Nalunaarummi ersersinneqassaaq, tak. imm. 1, suliffeqarfiup inuk kina ingerlatsinermut akisusaassuseqartutut atorfinitissimaneraa.

§ 8. Innaallagissiornermut Oqartussat nalunaarut, tak. § 7, tigoreeruniku, taava Innaallagissiornermut Oqartussat atortunik innaallagiartortunik piginnittumik uppernarsaat nassiutissavaa, tassani nalunaarlugu suliffeqarfik sorleq atortumik ingerlatsinermut akisussaasuuusutut suliffeqarfittut nalunaarutigineqarsimandersoq.

Imm. 2. Innaallagissiornermut Oqartussat nalunaarut, tak. § 7, tigoreeruniku, taava Innaallagissiornermut Oqartussat suliffeqarfimmut atortunik innaallagiartortunik ingerlatsinermut akisussaasuuusumut uppernarsaat nassiutissavaa, tassani nalunaarlugu suliffeqarfimmii inuk kina ingerlatsinermut akisussaasuuusutut nalunaarneqarsimandersoq.

Allanngortitsisoqartillugu paassisutissiinissamut pisussaaffik

§ 9. Atortunik innaallagiartortunik piginnittup Innaallagissiornermut Oqartussanut makku nalunaarutigissavai:

Atortunik innaallagiartortunik suliffeqarfik ingerlatsisussatut akisussaasusoq allanngorpat. Atortunik innaallagiartortunik piginnittumut tunngatillugu allanngortoqarnera.

Imm. 2. Pisussaaffik imm. 1 normu 2 naapertorlugu, atortunik innaallagiartortunik siusinnerusukkut piginnittup aamma maannakkut piginnittup pisussaaffigaat.

§ 10. Suliffeqarfiup atortunik innaallagiartortunik ingerlatsinermut akisussaasuuusup Innaallagissiornermut Oqartussat ilisimatissavai inuup ingerlatsinermut akisussaasuuusup atorfekartitaaneranut allannguitnut tunngatillugu.

Immikkut akuerineqarneq

§ 11. Suliffeqarfiup atortunik innaallagiartortunik ingerlatsinermut akisussaasuuusup qinnuteqaateqarneira naapertorlugu Innaallagissiornermut Oqartussat immikkut akuerineqarneq nalunaarutigisinnaavaa i-nummik ingerlatsinermut akisussaasuuusumik atorfekartitsinissamut piumasaqaammut tunngatillugu, tak. § 5.

Imm. 2. Immikkut akuerineqarnissamut qinnuteqaat Innaallagissiornermut Oqartussanut tunniunneqasaaq.

Imm. 3. Immikkut akuerineqarnissamut, tak. imm. 1, qinnuteqaateqarnermi suliffeqarfiup atortunik innaallagiartortunik ingerlatsinermut akisussaasuuusup ilisimatitsissutigissavaa, suliffeqarfiup qanoq iliorluni qulakkeerniarnerlugu piffissap immikkut akuerineqarfiup ingerlanerani ingerlatsineq qanoq isumagineqassanersoq.

Imm. 4. Immikkut akuerineqarneq, tak. imm. 1, piffissami qaammatit 3-t angullugit sivisussusilimmik tunniunneqarsinnaavoq, tamatumunnga tunngavigineqassaaq suliamut tunngatillugu ataatsimoortumik naliuersuineq.

Imm. 5. Innaallagissiornermut Oqartussat immikkut akuerineqarnermut, tak. imm. 1, tunngatillugu atugassarititaasunik aalajangersaasinnaapput.

Kapitali 4

Inuup ingerlatsinermut akisussaasusutut nalunaarutigineqarnera

Piginnaasat

§ 12. Inuit ingerlatsinermut akisussaasutut akisussaaffimmik tunineqarsinnaasut tassaapput:

- 1) Inuit innaallagialerinermut engeniøritut naammassillutik soraarummeernerminni angusisimasut atortut innaallagiartortut pillugit tulluartumik immikkut sammisaqarsimasut.
- 2) Inuit inuttut akuersissummik pisaarsinnaasut suliffeqarfimmi innaallagissamik aqqusersuisutut akuer-sissuteqartumi aamma atortunik innaallagiartortunik ingerlatsinermik tulluartumik misilittagaqarnermik upternarsaatillit.
- 3) Inuit engeniøritut naammassillutik soraarummeernerminni angusisimasut atortunik innaallagiartortunik ingerlatsinermik tulluartumik atuarsimanermikkut ilisimasaqartut aama iviusumik misilittagaqarnermin-nik upternarsaatillit.
- 4) Inuit innaallagiaq sakkortooq pillugu nalunaarummi immikkoortoq 5 naapertorlugu ingerlatsinermi a-qutsisutut akuerineqarsimasut.

Imm. 2. Innaallagissiornermut Oqartussat pissutsit immikkut ittut tunngavigalugu piumasaqaatinit imm. 1-im i taaneqartunit immikkut akuersissuteqarsinnaapput, tamanna innaallagissamut sillimaniarnermut il-lersorneqarsinnaasutut nalilerneqarpat.

Nalunaarutiginninneq

§ 13. Inuk atortunik innaallagiartortunik ingerlatsinermut akisussaasusoq pillugu nalunaarut Innaalla-gissiornermut Oqartusanut ingerlatinneqassaaq.

Imm. 2. Nalunaarummi, tak. imm. 1, paasissutissanik makkuninnga ilaqqassaaq:

- 1) Aqqi tamakkerlugit aamma inuup normua (cpr-normu),
- 2) sumi najugaqarnera pillugu paasissutissaq aamma e-mailikkut allaffigineqartarfia aammattaaq
- 3) qinnuteqaateqartup piginnaasai pillugit paasissutissat aamma upternarsaasersuutit, tak. § 12.

§ 14. Inuk ingerlatsinermut akisussaasusoq pillugu nalunaarut Innaallagissiornermut Oqartusanut i-ngerlatinneqassaaq, upternarsaasersorneqarsimappat,

- 1) tassa qinnuteqaateqartoq eqqortunik piginnaaneqarpat inuttut ingerlatsinermut akisussaasusutut toqagaanerminik ingerlatsisinnaasutut, tak. § 12, kiisalu
- 2) qinnuteqaateqartoq nammineersinnaassuseqarpat aamma nakkutigineqartussanngortitaasimanngip-pat.

Imm. 2. Qinnuteqaateqartup atsiornermigut upternarsassavaa ukiut kingulliit pingasut ingerlanerini Inatisisartut peqqussutaat nr. 12 imaluunniit taassuminnga aallaaveqartumik najoqqtassanik unioqqutitsisi-maneq naapertorlugu pineqaatissinneqarsimanerluni.

§ 15. Nalunaarutip tiguneratigut Innaallagissiornermut Oqartusanit tigusinermut upternarsaat qinnute-qaateqartumut nassiunneqassaaq.

Nalunaarutigisamit itigartitsineq

§ 16. Piumasaqaatit § 12-imiittut inummik ingerlatsinermut akisussaasuusumik toqqaanermi eqqortinnejarsimanaerat apeqqutaatinngagu, taava Innaallagissiornermut Oqartussat nalunaarutigineqartoq itigartitsissutigalugu nalunaarutigisinnaavaat, imatut pisoqarsimatillugu:

- 1) Pineqartoq pillarneqaataasussanik eqqartuussaasimappat aamma inuussutissarsiummik, immikkut o-qartussaasunit akuersissummik imaluunniit akuerneqartussamik, ingerlatsinissamut itigartinneqarsimap-pat.
- 2) Qinnuteqaateqartoq nunami allamik killilorsorneqarsimappat pissutsinut normu 1-imi taaneqartunut sanilliunneqarsinnaasunik.
- 3) Qinnuteqaateqartoq atorfimmini imaluunniit siusinnerusukkut suliarisimasamini imatut ileqqulerosri-mappat, tamanna tunngavigalugu isumaqartoqarsinnaalluni ingerlatsineq isumannaatsumik isumagineqar-sinnaanani.

Atorunnaarsitsineq

§ 17. Inuttut ingerlatsinermut akisussaasuusutut nalunaarutiginninneq atorunnaassaaq inuup pineqartup § 14, imm. 1, normu 2-mi piumasaqaat naammassisinnaajunnaarpagu.

Kapitali 5

Atortunik innaallagiartortunik piginnittoq

§ 18. Atortunik innaallagiartortunik piginnittup isumagissavaa,

- 1) qulakkiissallugu tamatigut inummik ingerlatsinermut akisussaasuusoqarnissaa suliffeqarfimmi ingerlat-sinermut akisussaasuusumi,
- 2) qulakkiissallugu suliffeqarfip ingerlatsinermut akisussaasuusup pisinnaatitaanernik peqarnissaa, tassa suliffeqarfip ingerlatsinermut akisussaasuusup pisinnaatitaanernik pisariaqartunik pigisaqarnissaa.

Imm. 2. Uppernarsaasersuutinik imm. 1, normu 2-mik, eqqortitsineq pillugu pitsaassutsimut qulakkeerin-ninnermut atortumi ersinnissaa, tak. ilanngussaq 1, immikkoortoq I, normu 2.

§ 19. Atortunik innaallagiartortunik pigisaqartup qulakkiissavaa sulisut atortumik innaallagiartortumik i-ngerlatsinermut peqataasut, Innaallagissiornermut Oqartussaasut malerauaqquaannut attuumassuteqar-tunut aamma nalinginnaasunut attuumassuteqartunut pissarsisinnaanissaat.

§ 20. Atortunik innaallagiartortunik pigisaqartup qulakkiissavaa, innaallagiartaqanngitsunik suliaqarneq atortut innaallagiartortut eqqaanni suliaqarnermut isumannaallisaaneq pillugu nalunaarummut tunngatil-lugu, saaffiginnissutit suliffeqarfimmit ingerlatsinermut akisussaasuusumit isumagineqarnissaat.

Imm. 2. Saaffiginnissuteqartoqarnerani imm. 1 naapertorlugu suliffeqarfip ingerlatsinermut akisusaas-suusup ilisimatitsissutigissavai, sumiiffimmi suliaqarfiusussami atortut innaallagiartortut suut naammat-tuugassaanersut.

Kapitali 6

Suliffeqarfik ingerlatsinermut akisussaasuuusoq

Ataatsimut isigalugu

§ 21. Suliffeqarfik atortunik innaallagiartortunik ingerlatsinermut akisussaasuuusoq inummik ingerlatsinermut akisussaasuuusumik atorfeqartitaqassaaq, taannalu Innaallagissiornermut Oqartussaasunut nalunaarutigineqarsimassalluni, tak. § 13.

§ 22. Suliffeqarfik ingerlatsinermut akisussaasuuusoq periusissamik suliaqassaaq, inuup ingerlatsinermut akisussaasuuusup suliassaasa isumagineqarnissaata qulakkeerneqarnissaanut tunngatillugu, tassa inuup ingerlatsinermut akisussaasuuusup peqannginnerani.

Imm. 2. Periusissaq, tak. imm. 1, pitsaassutsimut qulakkeerinninnermut atortumi toqqortarineqassaaq, tak. ilanngussaq 1, immikkoortoq II, normu 1.

§ 23. Suliffeqarfip atortunik innaallagiartortunik ingerlatsinermut akisussaasuuusup qulakkiissavaa, inuup ingerlatsinermut akisussaasuuusup pisariaqartunik pisinnaatitaanissa, tassa inuup ingerlatsinermut akisussaasuuusup suliarinninnissaminut tunngasunik.

§ 24. Inuup ingerlatsinermut akisussaasuuusup suliffeqarfik ingerlatsinermut akisussaasuuusoq suleqatigalugu qulakkiissavai suliatigut piginnaasat pisariaqartut, suliffeqarfip ingerlatsinermut akisussaasuuusup atortunik innaallagiartortunik ingerlatsinermut akisussaasuuneranut tunngatillugu. Tamatumunnga ilangullugit inuup ingerlatsinermut akisussaasuuusup inuit imatut atuuttussat; koblingsleder, koblingsperson, suleqatigiinnut aqutsisoq aamma suleqatigiikkuaanut aqutsisoq toqqassavaa, kiisalu suliarinnittussat (entreprenør) isumaqatigiissuteqarfingisassallugit, aqqutit katinneqarnissaannut isumaqatigiissuteqartassalluni aamma elinstallatøritut suliffeqarfinnut akuersissummik peqartunut akuersissuteqartassalluni.

Imm. 2. Suliassat tullinnguuttut taamaallaat inummit ingerlatsinermut akisussaasuuusumit sularineqarsinnaapput:

- 1) Entreprenørinik ingerlatsinerup ilaatut ingerlatsinermik aamma suleriaatsnik ingerlatsinissamut isumaqatigiissuteqarneq, tak. § 44.
- 2) Aqqutit katinneqarnissaannut isumaqatigiissuteqartarneq, tak. § 30.
- 3) Elinstallatøritut suliffeqarfinnut akuersissummik peqartunut akuersissummik tunniussineq, tak. § 46.

§ 25. Suliffeqarfip ingerlatsinermut akisussaasuuusup pitsaassutsimut qulakkeerinninnissamut atortoq atortunik innaallagiartortunik piginnittup atugassatut inassutigisaat atussavaa.

Imm. 2. Suliffeqarfip atortunik innaallagiartortunik ingerlatsinermut akisussaasuuusup qulakkiissavaa pitsaassutsimut qulakkeerinninnissamut atortup suliffeqarfimmi ingerlatsinermut akisussaasuuusumi sulusnit tikinnejqarsinnaanera aamma atorneqarsinnaaneraa.

Suliffeqarfik ingerlatsinermut akisussaasuuusoq aamma tassani sulisuuusut

§ 26. Suliffeqarfip atortunik innaallagiartortunik ingerlatsinermut akisussaasuuusup qulakkiissavaa atortup ingerlanneqarneranut atatillugu ingerlatsinermi aamma suliaqarnermi periutsit eqqortumik inuttale-qarsimanissaat, tassa sulisut naammattumik ilitsorsorneqarsimanissa kiisalu suliap ingerlanneqartup naammaginartumik nakkutigineqarnissaat.

Imm. 2. Suliffeqarfip ingerlatsinermut akisussaasuuusup ingerlatsinermi aamma suliaqarnermi periutsit pitsaassutsimut qulakteerinninnissamut atortoq, atortunik innaallagiartortunik piginnittup atugassatut i-nassutigisaat, naapertorlugu ingerlanneqarnissaat qulakkiissavaa.

§ 27. Suliffeqarfip atortunik innaallagiartortunik ingerlatsinermut akisussaasuuusup qulakkiissavaa, sulisut periutsinut taamaattunut pisariaqartunik piginnaaneqarnissat, tassa suliffeqarfip ingerlatsinermut a-kisussaasuuusup sularisaanut, kiisalu sulisut piginnaasaasa nutarterneqartarnissaat.

Imm. 2. Suliffeqarfip ingerlatsinermut akisussaasuuusup qulakkiissavaa sulisut ingerlatsinermik aamma suliaqarnermik periutsinik ingerlatsisut, atortuni sarfalinni imaluunniit taakkua eqqaanni, pisaqartumik annertussusilimmik tamakku pillugit aalajangersakkanut ilitsorsorneqarnissaat.

§ 28. Suliffeqarfik atortunik innaallagiartortunik ingerlatsinermut akisussaasuuusup qulakkiissavaa sulisut, atortunik innaallagiartortunik imaluunniit taakkua eqqaanni suliaqartut, pisaqartumik annertussusilimmik ikiueeqqaarnermut pikkorissarnermik ingerlatsisimassasut imaluunniit pikkorissarsimanerminnik utiisimassasut. Taamatuttaaq sulisut ilitsorsorneqarsimassapput inuk, innaallagissamik ajoqusersimasoq qanoq ikuussallugu namminneq imminnut navianartorsiortinnatik.

§ 29. Suliffeqarfik atortunik innaallagiartortunik ingerlatsinermut akisussaasuuusup qulakkiissavaa inuit makkuninnga; koblingsleder, koblingsperson, suleqatigiinnut aqutsisoq aamma suleqatigiikkutaanut aqutsisoq, isumaginnittussatut toqqarneqartut ima amerlatigissasut, atortunik innaallagiartortunik ingerlatsinermut pisariaqartitsinermut naammassallutik.

Imm. 2. Toqqaaneq, tak. imm. 1, allaganngorlugu pissaaq tessani allanneqassalluni pineqartoq sumik isumaginnittussatut suliaqarnissaat.

Atortunik innaallagiartortunik ingerlatsineq

§ 30. Atortut innaallagiartortut imminnut katinissaat sioqqullugu, tessani suliffeqarfik ingerlatsinermut akisussaasuuusq tamatuminnga isumaginnittuunngitsillugu, taava suliffeqarfifit ingerlatsinermut akisussaasuuusut tamanna pillugu allaganngorlugu isumaqatigiissuteqassapput. Isumaqatigiissummi ilanngunne-qassapput atortut killingisa iluanni suleqatigiinnerup nassuaatigineqarnera, kiisalu atortut qanoq imminnut atassuserneqarnerat isumaqatigiissutigineqassalluni.

Imm. 2. Inuit atortunik innaallagiartortunik ingerlatsinermut akisussaasuuusut imm. 1 naapertorlugu isumaqatigiissut, suliffeqarfifit ingerlatsinermut akisussaasuuusut sinnerlugin, atsiussavaat.

§ 31. Suliffeqarfip atortunut innaallagissamik sakkortuumik sarfalinnut ingerlatsinermut akisussaasuuusup atortup katinneqarnerminni qanoq innerita aamma ingerlanerminni qanoq innerata koblingslederimit nakkutigineqarnissaat aamma misissorneqarnissaat qulakkiissavaa.

§ 32. Suliffeqarfip atortumut innaallagiartortumut ingerlatsinermut akisussaasuuusup qulakkiissavaa ini-mi stationiusumi ledninginut skemamik peqarnissaq stationimi atortunut tunngasunik atortut makkua suli-arinissaannut tunngatillugu:

- 1) Atortut ingerlanerminni sarfallit 06 kV-mik aamma taanna sinnerlugu.
- 2) Atortunut pisariusumik katinneqarnissaminnt atortulinnik-
- 3) Atortunut marluk sinnerlugit transformerilinnut.

§ 33. Suliffeqarfip atortumut innaallagiartortumut ingerlatsinermut akisussaasuuusup qulakkiissavaa makkua suliarineqarsimanissaat:

- 1) atortutut innaallagiartortut allanngortinneqarsimassappata tamakku pillugu uppernarsaasersuut nu-taanngorsarneqarsimasoq,
- 2) attaveqaasiinermut skema nutaanngorsarneqarsimasoq, tassani takussutissiissutigineqarluni innaalla-gissap sakkortuumik sarfallip attaveqaaserneqarnerata qanoq ittuunera, aamma
- 3) nalunaarusiaq ingerlatsinermi akornutaasimasut pillugit takussutissiisoq, taakkua suunerat aamma pif-fissaq qanoq taamaalisimanerat aamma iluarsineqarsimanerat.

Imm. 2. Nalunaarut, tak. imm. 1, normu 3, sivikinnerpaamik ukioq ataaseq toqqortarineqassaaq.

§ 34. Suliffeqarfip atortumut innaallagiartortumut ingerlatsinermut akisussaasuuusup qulakkiissavaa, sakkut, atortut aamma savequtit atortui eqqortutut pigineqarnissaat atortup innaallagiartortup ingerlan-neqarneranut atatillugu iliuutsini atorneqartussaasut.

§ 35. Suliffeqarfip ingerlatsinermut akisussaasuuusup qulakkiissavaa, atortut aserfallatsaaliorneqarnerat tassa atortumut innaallagiartortumut tamarmiusumut imaluunniit ilaanut tunngasut, taakkua suliarineqar-nissaat aserfallatsaaliuinissamut pilersaarut aalajangersagaq imaluunniit fabrikip suliariinnittut innersuus-sutai naapertorlugit.

§ 36. Suliffeqarfip atortumut innaallagiartortumut ingerlatsinermut akisussaasuuusup qulakkiissavaa, su-miiffit stationeqarfifit siunertamut allamut atorneqannginnissaat, soorlu atortussianut imaluunniit atortu-nut allanut toqqorsivittut, tassa atortumut ingerlatsinermut attuumassuteqanngitsunik.

Imm. 2. Atortumik innaallagiartortumik piginnittooq sumiiffiup stationeqarfiusup siunertanut allanut ator-neqarsinnaanera akuersissutigisinnaavaa, imaattoqartillugu

- 1) taamatut pisoqarneranut inuup ingerlatsinermut akisussaasuuusup navianartoqarsinnaaneranik nalili-nera tunngaviuppat, kiisalu

2) inuit isumannaatsuunissaat aamma atortup eqqaani isumannaallissaneq annikillissanngippat.

Imm. 3. Suliffeqarfip atortumut innaallagiartortumut ingerlatsinermut akisussaasuuusup qulakkiissavaa, sakkunik, savequtit atortuinik aamma atortussianik sumiiffimmi stationeqarfiusumi taamaallaat inissiiso-qarsinnaasoq:

- 1) § 37 naapertorlugu, kiisalu
- 2) taamaaliornikkut stationeqarfimmi atortut suliarineqarnissaat akornuserneqassanngippat imaluunniit ajornarnerulinngippat.

§ 37. Suliffeqarfip atortumut innaallagiartortumut ingerlatsinermut akisussaasuuusup qulakkiissavaa, a-tortumut stationeqarfimmut iserfissat aamma qimaaffissat assorsorneqannginnissaat aamma ajornannngit-

sumik sanioqqunneqarsinnaanerat.

§ 38. Suliffeqarfiup atortumut innaallagiartortumut ingerlatsinermut akisussaasuuusup ajutoornerit in-naallagissamik tunngaveqartut atortumut attuumassuteqartut ingerlaannartumik Innaallagissiornermut Oqartussaasunut nalunaarutigissavai, tamatumunngalu ilutigitillugu atortumik innaallagiartortumik pigin-nittoq ilisimatissallugu.

Imm. 2. Nalunaaruteqarnermi, tak. imm. 1, paasissutissat tamarmik ilanngunneqassapput, tassa ajutoor-nerup sumik pissuteqarneranik nalilersuinissamut pingaaruteqarsinnaasut tamaasa ilanngullugit.

§ 39. Suliffeqarfiup ingerlatsinermut akisussaasuuusup atortumik innaallagiartortumik piginnittooq isuman-naallaanermut ajoqutit aamma amigaataasut pingaaruteqartut tamaasa pillugit, tamakku inunnik, uuma-suutinik imaluunniit illuutinik navianartorsiortitsisinnaappata.

Kapitali 7

Isumannaallisaanermi eqqortumik iliorneq aamma isernissamut killilersuineq

§ 40. Suliffeqarfiup atortumut innaallagiartortumut ingerlatsinermut akisussaasuuusup qulakkiissavaa, kikkut tamarmik atortumi innaallagiartortumi imaluunniit eqqaani ingerlasut, isumannaallisaanermi eq-qortumik iliornissamik ilitsorsorneqarnissaat aamma § 43-imi aalajangersakkanik malinninnissaannik.

Imm. 2. Suliffeqarfiup atortumut innaallagiartortumut ingerlatsinermut akisussaasuuusup sulisut attartor-neqartut atortumi innaallagiartortumi imaluunniit eqqaani sulinissamut atorunigit, taava suliffeqarfiup i-ngerlatsinermut akisussaasuuusup inuit taakku sulinermanni isumannaatsuunissaat assinganik akisussaaffi-gai, soorlu suliffeqarfiup nammineq sulisumisut.

Imm. 3. Entreprenørit § 44 naapertorlugu aamma suliffeqarfiit elinstallatørítut akuersissuteqarlutik § 46 naapertorlugu suliallit imm. 1-imi ilaatinneqanngillat.

§ 41. Suliffeqarfiup atortumut innaallagiartortumut ingerlatsinermut akisussaasuuusup qulakkiissavaa, su-miiffit stationeqarfiusut aamma passussinissamut atortut inissisimaffiisa paarnaarneqarsimanissaat, tamatumani nalorninartoqarsinnaappat susassaqanngitsut isersinnaanerat.

§ 42. Suliffeqarfiup atortumut innaallagiartortumut ingerlatsinermut akisussaasuuusup qulakkiissavaa, su-miiffinnut stationeqarfiusunut aamma passussinissamut atortut inissisimaffiannut paarnaarneqarsimasu-nut inuit isernissaminnut akuerineqarsimasut, tassaassut tamatumunnga atatillugu navianarsinnaasunik naammaginartumik ilisimasaqartut.

Imm. 2. Matuersaatit tigusisumik allagartamik uppernarsaaserlugit matuersaatillugu allanut tunniunne-qassanngillat.

§ 43. Sumiiffinni stationeqarfiusuni ingerlanermi illersuinissamut atortut, tassa sarfallit ilaannik piaari-naatsoorluni atuisinnaanermut illersuutaasutut inissinneqarsimasut, tamatumani atortunik innaallagiartortunik isumannaallisaanermut nalunaarut malinneqarluni, tamakku qaangerneqassanngillat imaluunniit peerneqassanatik. Atortunut innaallagiartortunut najummisutut sanaat majuarfigineqassanngillat.

Imm. 2. Kapitali 12-imit 18-imut aalajangersakkat naapertorlugin suliassat ingerlanneqarpata, taava imm. 1 unioqqutinneqarsinnaavoq, suliassat ingerlanneqarnissaat taamaaliornissamut pisariaqartitsippata.

Kapitali 8

Entreprenørinit isumaqatigiissummik isumaqatigiissuteqarneq

§ 44. Suliffeqarfip atortumut innaallagiartortumut ingerlatsinermut akisussaasuuusup entreprenørinit isumaqatigiissuteqarsinnaavoq atortup innaallagiartortup ingerlanneqarnerata ilanik suliaqarnissamut tunngatillugu.

Imm. 2. Suliffeqarfip atortumut innaallagiartortumut ingerlatsinermut akisussaasuuusup isumaqatigiissuteqarneri, tak. imm. 1, qulakkiissavaa entreprenørip:

- 1) inummik ingerlatsinermut akisussaasuuusumik atorfqartitsinera, tak. § 13, kiisalu
- 2) pitsaassutsimut aqutsinermut atortumik, atortumit innaallagiartortumit piginnittumit atugassaritinnejartumit maleruaanissa.

Imm. 3. Entreprenørimit isumaqatigiissummi, tak. imm. 1, ilaatinneqassapput naasuaassutit makkununga:

- 1) Atortut innaallagiartortut sorliit isumaqatigiissummi pineqarnersut,
- 2) suliassat ingerlanneqartussat sorliit entreprenørimit suliarineqassanersut aamma
- 3) entreprenørri nammineerluni ingerlatassanut sorlernut inunnik toqqaassanersoq, kiisalu toqqaanermut kina akisussaasuunersoq.

§ 45. Entreprenørrip, isumaqatigiissummik isumaqatigiissuteqarsimasup, tak. § 44, qulakkiissavaa, tassa

- 1) atortuni innaallagiartortuni imaluunniit eqqaanni suliaqarneq inunnut, uumasuitinut imaluunniit illuitut ajoqsiisinnaasumik ingerlanneqannginnissa,
- 2) atortuni innaallagiartortunik ingerlatsinerup aamma suliaqarnermi periaatsit pilersaarusiorneqarnisaat, tak. § 47,
- 3) entreprenørrip nammineq aamma allat sulisinneqarunnartut sulisuisa naammaginartumik ilitsorsoneqarsimanissa,
- 4) periaatsit ingerlanneqarnissaat nalunaarummi matumanit aalajangersakkat naapertorlugin, kiisalu
- 5) pitsaassutsimut qulakeerinninnissamut atortup atugassangortinnejqarsimasup malinneqarnissa.

Imm. 2. Entreprenørri isumaqatigiissummik isumaqatigiissuteqarsimasoq, tak. § 44, periutsinkik isumaqatigiissummi ilaatinneqartunik allanut suliarinnittussangortitsisinnaavoq. Akisussaaffik entreprenørrip pi-jiinnassavaa.

§ 46. Suliffeqarfip atortumut innaallagiartortumut ingerlatsinermut akisussaasuuusup suliffeqarfip elinstallatøritut akuersissummik peqartunut akuersissutigisinjaavaa periutsinkik makkuningga suliaqarnisaq:

- 1) Periutsit pilersuinerup killingani ingerlanneqartut, tassa ikkussukkat innaallagissamik sakkortunngitsumik ingerlatsillit atortumut innaallagiartortumut attavilerneqarfii aamma
- 2) ledninginut ingerlaqqiffiusunut sikringinik ikkussineq aamma taarsiineq.

Imm. 2. Suliffeqarfik elinstallatøritut akuersissummik peqartoq imm. 1 naapertorlugu periutsinkik ingerlatsippat, tassani piumasaqaataanngilaq suliffeqarfimmi elinstallatøritut akuersissummik peqartumi inum-

mik ingerlatsinermut akisussaasuuusumik atorfeqartoqarnissaa.

Imm. 3. Periutsit imm. 1 naapertorlugu suliarineqarneranni suliffeqarfiup elinstallatørítut akuersissum-mik peqartup sulisuni nammineq akisussaassuseqarfigai.

Kapitali 9

*Atortunik innaallagiartortunik ingerlatsinermi isumannaallisaanermut
piumasqaatit ataatsimut isigalugit*

*Navianarsinnaasunik nalilersuineq kiisalu ingerlatsinermi
aamma sulinerup ingerlanneqarnera*

§ 47. Ingerlatsinermi aamma sulinerup ingerlanneqarnissa sunaluunniit aallartitsinnagit, taava inuup paasisimasallip sulinerup qanoq ingerlanneqarnissa pilersaarusiussavaa aamma innaallagissamut tunngatillugu suliaqarnermut attuumassuteqartut navianarsinnaasut nalilersorlugit.

Imm. 2. Pilersaarusiornermut atatillugu aamma navianarsinnaasunik nalilersuineq tunngavigalugu, tak. imm. 1, isummerfigineqartussat makkuupput:

- 1) Sulinerup ingerlanneqartussap annertussusia aamma sumiiffiup suliffigisassap killilernissaa,
- 2) sulinermi periaatsimik toqqaaneq,
- 3) sakkunik aamma atortunik allanik toqqaaneq,
- 4) illersuutissanik aamma inunnut assiaqtissanik toqqaaneq,
- 5) inunnik ingerlatsinermik aamma sulinerup ingerlanneqarneranik suliarinnittussanik toqqaaneq aamma ilitsersuineq, kiisalu
- 6) ajutoortoqassagaluarpat ikiunissamut periarfissanik nalilersuineq.

Imm. 3. Pilersaarusiorneq aamma sulinerup qanoq ingerlanneqarnissaani navianarsinnaasunik nalilersuineq sulinermik aqtsisumik suliarineqassapput.

Attaveqaqatigiinneq

§ 48. Nalunaarummi sumiluunniit ukua akornanni koblingsleder, koblingsperson, sulinermi aqutsisup aamma suleqatigiinni aqutsisup akornanni, nalunaaruteqartup aqqa ilangunneqarsimassaaq.

Imm. 2. Nalunaaruteqarneq oqaasiinnartigut pippat taava nalunaaruteqarfiusup taanna utissavaa, nalunaaruteqartullu uppermarsassavaa nalunaarutigineqartup eqqortumik paasineqarsimanera.

§ 49. Sulinermik aallartitsinermi imaluunniit sulereernerup kingornatigut ikkussinermi tunngavigineqsanngillat piffissat siornatigut isumaqatigiissutigineqareersimasut.

Sumiiffik suliffiusoq

§ 50. Sumiiffik suliffiusoq nassuiarneqarluarsimassaaq aamma erseqqissumik nalunaarneqarsimassalluni. Inissaq, isernissamut periarfissat naammaginartuussapput aamma sumi tamani qulleqassaaq, ingerlatsinermik suliaqarfissami aamma suliassanik ingerlatsiviusussani. Pisariaqartillugu sumiiffik suliffiusoq erseqqissumik nalunaarneqarsimassaaq.

§ 51. Atortussiat ikuallassinnaasut aamma suut tigussaasut aqqtissamik assiisinnaasut, atortut ikkussivisanut aamma atortunik ikkussivissani passussiffinnut iserfissat aamma qimaaffissat eqqaanni imaluuniit taakkunani inissinneqassanngillat. Atortussiat ikuallassinnaasut innaallaffiusinnaasut eqqaanni inissinneqassanngillat.

§ 52. Ledninginut silaannakkoortunut tunngatillugu ingerlatsinermi aamma suliassap qanoq ingerlanneqarnissaanut qanoq ittuunissaannut tunngavigineqassaaq atortut innaallagiartortut mekanikkiata qanoq innerat naliliinermut tunngavigalugu, ajutoornissamut nalorninartut pillugit pisariaqartumik piareersartqassaaq, tassa mekanikkiata sunniuteqarnerata kingunerisaanik pilersinnaasut atortup innaallagiartortup suliamik ingerlatsinerup nalaani sunnerneqarnermigut.

Sakkut, atortut aamma savequtit atortui

§ 53. Sakkut, atortut aamma savequtit atortumik innaallagiartortumik ingerlatsinermut atatillugu atorneqartut, tassaassapput:

- 1) siunertamut atorneqarfissaminut tulluartuussapput taamaalilluni suliamik ingerlatsineq ingerlanneqarsinnaalluni inunnut naviananngitsumik,
- 2) eqqortumik atorneqassapput fabrikip sanasimasup imaluunniit nioqquteqartup innersuussutai naapertorlugit,
- 3) akuttunngitsumik misissorneqartassapput imaluunniit fabrikip sanasimasup innersuussutai naapertorlugit, kiisalu
- 4) aserfallatsaaliorneqassapput taamaaliornikkut suli atorneqarnissaminut tulluartuutillugit.

Imm. 2. Sakkut suulluunniit qupinnguallannaveersaatilimmik saattukujortallit atorneqartillugu taakkunani navianartorsiorsinnaanermut takissusia aamma nalunaarnerata takissusia aalajangersarneqarsimasapput. Nalunaarnerata takissusia nalunaarneqassaaq sungaartumik/qernertumik qupinnguallannaveersaatilimmi saattukujortalimmi, tak. ilanngussaq 3, titartagaq 1.

§ 54. Sakkunik, atortunik aamma savequtit atorneqarneranni taakkua isumannaallisaanermut pingaaru-teqarmata, kalaallisut imaluunniit danskisut ilitsersuuteqassapput, imaanngippat allanik pisiaqartitsiso-qarluni sulisut oqaatsinik atuisinnaanerat apeqqutaatillugu.

§ 55. Ingerlatsinermi aamma qanoq suliaqarnermi sumilluunniit aallartitsinissaq sioqquillugu, taava qulakeerneqassaaq sakkut, atortut aamma savequtit naammattut atugassangortinneqarsimanissaat taakkualu takuneqarsinnaasumik ajoquteqassanngillat.

Kapitali 10

Atortuni innaallagiartortuni suliamik ingerlatsinermi isumannaallisaanermut piumasagaatit nalinginnaasut

§ 56. Atortunik innaallagiartortunik sarfaqartillugit imaluunniit taakku eqqaanni suliamik ingerlatsinerit inunnik 18-inik ukioqalereersimasunik ingerlanneqassapput.

§ 57. Atortunik innaallagiartortunik sarfaqartillugit imaluunniit taakku eqqaanni suliamik ingerlatsinerit, imaanngippat allamik taasaqartoqarsimanngippat, inunnik paasisimasalinnik imaluunniit inunnik iltsorsorneqarsimasunik inunnik paasisimasalinnik aqutsisoqluni suliarineqassapput.

§ 58. Suliamik ingerlatsinerup suulluunniit aallartinneqannginnerani inuit suliamik ingerlatsisussat iluamik iltsorsorneqarsimassapput.

§ 59. Atortuni sakkortuumik sarfalinni suliamik ingerlatsinerit isumannaallisaanermik eqqortumik suliari-neqarnissaat qulakteerniarlugit, sulinermik aqutsisoq imaliussaaq:

- 1) inuit suliamik suliariinnittussat suliassap ingerlatilinnginnerani naammaginartumik iltsorsorneqarsimassaaq qulakkiissavaa, kiisalu
- 2) suliap suliarineqarnerata nalaani sumiiffimmi suliaqarfimmi pisariaqartumik nakkutilliissaaq.

§ 60. Atortunik innaallagiartortunik imaluunniit taakku eqqaanni suliamik ingerlatsinerni siumut takor-loorneqanngitsumik pisoqarpat, taava suliaq unitsinneqassaaq, suleqatigiinnik aqutsisumit imaluunniit sumiiffimmi suliffigisami suliamik ingerlatsinermik aqutsisumit ilisimasalimmit suliap ingerlaqqinnissaa akuersissutigalugu nalunaarnissaata tungaanut.

Kapitali 11

Ingerlatsinermi periutsit - Ingerlatsinerit

Ikkussineq (kobling)

§ 61. Attaveerutsitsinermi tassani siunertaralugu atortut ilaat sarfaarutsinniarlugit immikkoortitsissutit, sarfamik immikkoortitsissut imaluunniit sumiiffimmi immikkoortitsissutit atorneqassapput, immikkoortitsineq tamakkerlugu tapinnaallisaaserlugu, tassa atortup suunera aamma qanoq ittuunera tunngavigalugit.

§ 62. Atortut sakkortunngitsumik sarfalimmik innaallagiartortut kattutsinneqarneranni inummik ilisimasalimmit aqutsisoqassaaq imaluunniit tamanna suliarineqassaaq.

§ 63. Atortut innaallagissamik sakkortuumik sarfallit ikkunneqarnerat inummit ikkussisarnermut aqutsisumit aamma inummit ikkussisartumik suleqatigiisillugit ingerlanneqassaaq.

§ 64. Innaallagissamut sakkortuumut ikkussinermut atortut amitsukujuut angallattakkat navianartorsiorfiusinnaasup iluani imaluunniit avatinnguani inissinneqarsimappata, taava § 53-imi piumasaqaatit eqqortinnejassapput.

Imm. 2. Ikkussineq inummit ikkussisartuuusumit suliarineqassaaq taassuma eqqortissavaa inummut immi-nut isumannaallisaanermut ungasissusissatut aalajangersagaq.

Kapitali 12

Ingerlatsinermi periutsit – Atuunnernik misissuineq

Uuttortaaneq

§ 65. Atortunik sakkortuunik sarfalinnik uuttortaanerit inummit paasisimasalimmit suliarineqassapput kiisalu suliarineqassallutik atortunik sakkortungitsumik aamma sakkortuumik sarfalinnik sarfaqartillugit suliarinninnermi periutsini aalajangersakkat naapertorlugin, tak. kapitalit 13 aamma 16-18, imaluunniit atortut ilaat sarfallit eqqaanni suliaqarnermi suliaqarnermut periutsit, tak. kapitalit 13, 16, 17 aamma 19, tassa navianartorsiorfiusinnaasup killingata imaluunniit qanillattorfiusinnaasup killingata iluanit pisinnaaneq nalorninartoqarpat.

Misisuineq

§ 66. Atortunik qalilerneqarsimasunik sarfalinnik misissuinermi inuup paasisimasallip matunik, qiversatulinnik imaluunniit atortumik misissuinissamut matuliussanik ammaasinnaavoq, tamakku ingerlanneqarpata isumannaallisaanermut ungasissusissaq aalajangigaq malinneqarluni.

Imm. 2. Misissuinerit qaliliussanik aalajangersarlugit ikkussukkanik piiaaqqaarluni pisussat, taakkua suliarineqassapput atortunik sakkortungitsumik aamma sakkortuumik sarfalinnik sarfaqartillugit suliarinninnermi periutsini aalajangersakkat naapertorlugin, tak. kapitalit 13 aamma 16-18.

Kapitali 13

Suliaqarnermi periutsit – Piumasaqaatit nalinginnaasut

§ 67. Suliaqarnermi periutsit suleqatigiinnik aqutsisumit aqunneqassapput imaluunniit suliarineqarlutik.

Imm. 2. Suliaqarnermi periutsit atortut sarfaqanngitsut pineqartillugit imm. 1-imi ilaatinneqanngillat.

§ 68. Suliaqarnermi periutsit sakkortuumik sarfalinnt tunngasut taamaallaat sulinermik aqutsisumik aalartinneqarsinnaapput.

Imm. 2. Suliaqarnermi periutsit atortunut sakkortuumik sarfalinnt tunngasut aallartinneqarsinnaapput ilitsersuinerit aalajangersarneqarsimasut naapertorlugin, tamatumani pineqarpata periutsit sungiussimasat atortunut assigiinnut tunngasut akuttunngitsumik uteqqinnejartartut.

Kapitali 14

Atortunik innaallagissamik sakkortuumik sarfalinnt suliaqarnermi periutsit

§ 69. Atortunik sakkukitsumik sarfalinnik sarfaqanngitsunik imaluunniit taakku eqqaanni suliaqarnermi periutsit sumiiffimmi suliffiusumi inummit paasisimasalimmik aqunneqassapput imaluunniit suliarineqassapput.

Imm. 2. Suliaqarnermi ingerlatsinerit aallartinneqarnissaannut inuk paasisimasalik akuersissuteqassaaq.

Imm. 3. Sulinerup naammassinerata kingornatigut sarfamik ikkussinissamut piareerneq inummit paasisimasalimmit nalunaarutigineqassaaq.

§ 70. Atortuni sarfaqanngitsuni sulinermi isumannaallisaanermut iliuutsit pilersinnejartussat tassaapput:

- 1) Atassutaarutivinneqassaaq.
- 2) Ikkunneqarsinnarata pinngitsoornissaa qulakkeerneqassaaq.
- 3) Sarfaqannginnerra misissorneqassaaq.
- 4) Nunamut ikkussineq aamma kortsluttiineq, imaangippat taamatut pisoqannginnissaanut pingaarute-qartumik pissutissaqarluni.
- 5) Ilaannut sarfaqarsinnaasunut tassunga qanittunut illersuuteqarneq.

§ 71. Atortunik sakkukitsumik sarfalinnik sarfaqanngitsunik suliaqarnerup naammassineqarnerata kingornatigut inuit sulinermi peqataasimassut tamarmik ilisimatinneqassapput makkuninnga, tassa

- 1) sulineq naammassineqartoq,
- 2) isumannaallisaanermut aamma illersuinermut aaqqissuussinerit pilersinnejarsimasut unitsinnejartut, kiisalu
- 3) tamatuma kingornatigut atortoq sarfamik ingerlaarfiusutut isigineqalissaaq.

Kapitali 15

Atortunik innaallagissamik sakkortuumik sarfalinnik suliaqarnermi periutsit

Ataatsimut isigalugu

§ 72. Atortunik sakkortuumik sarfalinnik sarfaqanngitsunik imaluunniit taakku eqqaanni suliaqarnermi periutsit suliaqarnerni ikkussuinermut aqutsisoq suleqatigalugu suliarineqassapput.

Imm. 2. Ingerlatsinermit ingerlatsinerit ikkussuinermut aqutsisumit ingerlanneqanngitsut inummit ikkussuisartumit ingerlanneqassapput ikkussuinermut aqutsisup naalakkiinera naapertorlugu.

Imm. 3. Ikkussuinermut aqutsisup ilisimassavaa suliaqarnermik periuseqarnerup nalaani kina suleqatiiniik aqutsisuunersoq aamma taanna qanoq attaveqarfingineqarsinnaanersoq.

§ 73. Atortunik sakkortuumik sarfalinnik sarfaqanngitsunik imaluunniit taakku eqqaanni suliaqarnermi periutsit sumiiffimmi suliffigisami suleqatigiinnik aqutsisumit aqunneqassapput imaluunniit suliarineqarlu-tik.

Imm. 2. Suleqatigiinnik aqutsisup ilisimassavaa suliaqarnermik periuseqarnerup nalaani kina ikkussuiner-mut aqutsisuunersoq aamma taanna qanoq attaveqarfingineqarsinnaanersoq.

Ikkussisarnermut aqutsisoq

§ 74. Ikkussisarnermut aqutsisup suliaqarnermi periutsip aallartinneqannginneranni qulakkiissavaa isumannaallisaanermut iliuusissat pilersinnejarsimanissaat, tak. § 75, isumannaallisaanermut aamma iller-suutissat pilersinnejarnissaasa tungaanut atortut innaallagiartortut sarfaqartutut isigineqassapput.

§ 75. Atortuni sakkortuumik sarfalinni sarfaqanngitsunili sulinermi isumannaallisaanermut iliuutsit pilersinnejartussat tassaapput:

- 1) Atassutaarutivinneqassaaq,

- 2 atassutaarunnera misissorneqassaaq,
- 3) ikkunneqarsinnarata pinngitsoornissaa qulakkeerneqassaaq,
- 4) isuani nunamut ikkuffia sioqqullugu sarfaqannginnera misissorneqassaaq,
- 5) isuani nunamut ikkuffia pilersinneqassaaq,
- 6) isuani nunamut ikkuffiata naammassineqarsimanera misissorneqassaaq,
- 7) ikkussinermut skema nutarterneqassaaq, kiisalu
- 8) piareernera suleqatigiinnik aqutsisumut nalunaarutigineqassaaq.

§ 76. Ikkussisarnermut aqutsisup suliaqarnermi periutsinik ingerlatsinerup nalaani qulakkiissavaa, tassa

- 1) ikkussimasumut peerneqarsimasumut ikkussinermut atortut piaarinaatsoorluni ikkuttoorneqanngin-nissaat qulakkeerneqarsimanissaat,
- 2) ikkussinissamut inerteqquteqarnermut ilisarnaatip peerneqannginnissaa, sulinerup naammassineqar-nera sioqqullugu, kiisalu
- 3) isuani nunamut ikkunneqarsimasut pilersinneqarsimasut, sulinerup nalaani piffissaq tamaat taamaagin-narnissaat.

Imm. 2. Uuttortaanermi aamma misileraanermi imm. 1-imi normu 3-mi taaneqartut saneqqunneqarsin-naapput.

Imm. 3. Uuttuinermut aamma misileraanermut atortunik ikkussinermi aamma ikkusimaffiata peerneqar-nerani imm. 1-imi normu 3-mi taaneqartut saneqqunneqarsinnaappat, atortup pineqartup ilaa nunamut ik-kusimaneqarsimappat aamma atortut ikkunneqarnissaata siuninnguatigut kortslutterneqarsimappat.

Suleqatigiinnik aqutsisoq

§ 77. Suleqatigiinnik aqutsisup sulinerup aallartinnginnerani qulakkiissavaa, isumannaallisaanermut ili-uutsinik pilersitsisoqassasoq, tak. § 78.

Imm. 2. Selineq aallartinneqassanngilaq suleqatigiinnik aqutsisumit piareersimaneq nalunaarutigineqar-tinnagu.

§ 78. Suleqatigiinnik aqutsisup qulakkiissavaa,

- 1) sarfaqarnani inissisimanera sulinissamut nunamut ikkussinissaq sioqqullugu misissussallugu,
- 2) sulinissamut nunamut ikkussinerup pilersinneqarnera,
- 3) sulinissamut nunamut ikkussinerup naammassineqarsimanera misissussavva, kiisalu
- 4) pisariaqartitsineq tunngavigalugu annertussuseqartumik mianersoqqusilluni nalunaaqutsersuinissaq i-maluunniit illersuutinik aaqqissuussisoqarnissaat, tak §§ 103-mit 109-mut, taamaaliornikkut pinngitsoor-tinniarlugu atortut ilaat sarfamik ingerlaffigineqartut kukkusumik sarfamik ingerlaffigineqanngitsutut isi-gineqarnissaat.

§ 79. Suleqatigiinnik aqutsisup selineq aallartitsissanngilaat sumiiffimmi suliffiusumi suleqatigiinni peqa-tasut tamarmik pisariaqarneranik tunngaveqartumik ilitsersorneqqaartinnagit makku pillugit:

- 1) Sulinermi ingerlatsinerup annertussusia,
- 2) sumiiffiup suliffiusup killilorsorneqarnera,
- 3) atortut ilaat sarfamik ingerlaffigineqartut sumiiffiup suliffiusup eqqaaniittut,

- 4) suliassap suliarineqarnissaa, kiisalu
- 5) isumannaallisaanermut iliuutsit aamma illersuinissamut aaqqissuussinerit pilersinnejarsimasut.

§ 80. Suleqatigiinnik aqtsisup sulinerup ingerlanneqarnerata nalaani qulakkiissavaa, tassa

- 1) isumannaallisaanermut iliuutsit aamma illersuinissamut aaqqissuussinerit sulinerup ingerlanera tamak-kerlugu atuutsinnejaaannarnissaat, aamma
- 2) sulinissamut nunamut ikkullugit § 81 naapertorlugu pilersinnejarsimasut sulinerup ingerlanera tamak-kerlugu atuutsinnejaaannarnissaat.

Imm. 2. Uuttortaanermi imaluunniit misiliinermi imm. 1-imi normu 3-mi taaneqartut saneqqunneqarsin-naapput.

Imm. 3. Uuttuinermut aamma misileraanermut atortunik ikkussinermi aamma ikkusimaffiata peerneqar-nerani imm. 1-imi normu 2-mi taaneqartut saneqqunneqarsinnaappat, atortup pineqartup ilaa nunamut ik-kusimaneqarsimappat aamma atortut ikkunneqarnissaata siuninnguatigut kortslutterneqarsimappat.

Nunamut attavinnik ikkussineq aamma kortsluttiineq

§ 81. Suliaqarnermut atatillugu nunamut attavinnik ikkussineq suliarineqassaaq §§ 82-imit 89-imut piu-masarineqartutut annertussusissai naapertorlugin.

Imm. 2. Atortup ilaaniq suliaqarnermut atatillugu nunamut attavinnik ikkussineq, tak. imm. 1, misissorne-qassaaq atortup ilaata sumiiffimmi nunamut ikkussiffiusumi sarfaqannginnera. Misissuineq aqqummi ima-luunniit aqqutini nunamut ikkunneqartussani aamma kortslutterneqartussani suliarineqassaaq.

Imm. 3. Aalajangersimasumik nunamut ikkunneqarsimasut nunamut ikkuffiata eqqaani sarfaqarnera mi-sileeqqaarnagu ikkunneqarsinnaapput, tamanna inunnik navianartorsiortitsinani pisinnaappat.

Imm. 4. Suleqatigiinnik aqtsisup misissussavaa suliaqarnermut atatillugu nunamut ikkunneqartussat pi-sariaqartut ikkunneqarsimanersut.

§ 82. Atortuni silaannakkut ledningilinni, stationeqarfinni ammaannartuni aamma atortuni matuneqarsi-masuni, suliaqarniaraanni ammarneqartussani suliaqarnermut atatillugu nunamut ikkussisoqarnissaa piu-masaqaataavoq, taamaattorli imm. 2 aamma §§ 83 aamma 85.

Imm. 2. Isuani nunamut ikkussineq suliaqarnermi nunamut ikkussinertut isigineqarsinnaavoq, taanna su-miiffimmut suliaqarfimmut ima qanitsigippat, § 88 eqqortinneqarluni.

§ 83. Suliaqarnermi periutsini ledningit silaannakkoortut eqqaanni suliaqarnermi nunamut ikkussinissap pingitsoorneqarnissaa akuerineqarpoq, imaappat

- 1) ledningi silaannakkoortoq isuatigut nunamut ikkussiffiqeqarsimappat, kiisalu
- 2) sulinerup nalaani minnerpaamik meterimik ataatsimik ledningi ungasinneqarpat.

§ 84. Ledningini silaannakkoortuni vekselstrømilinnik ingerlatsinermi 60 kV sinnerlugit sarfaqartuni suli-aqarnermi periutsini, tassani taamaallaat nunamut ikkussisoqarnissaa piumasaqaataavoq aqqummut ima-luunniit aqqutinut suliarineqartunut, tassani imaappat

- 1) isuani nunamut ikkussamik pilersitsisoqarsimanera,
- 2) aqqutini sumiiffiup suliaqarfup eqqaaniittuni nunamut ikkussiffiqeqarsimangitsuni aallagartat mia-

nersoqqussutit pilersinneqarsimappata, kiisalu

3) inuit suliamik ingerlatsisut navianartorsiortinnejeqanngippata aqqutinut meterimik ataatsimik qanilligunik, tassa sumiiffimmi suliaqarfimmi nunamut ikkussiffingineqarsimanngitsunut timiminnik, sakkuminnik, atortuminnik imaluunniit atortussianik.

§ 85. Suliaqarnermut atatillugu nunamut ikkussineq atortup nunamut ikkusimaffiata aamma kortsluttinermi sarfaanut tamarmiusumut naatsorsuussaanngippat, tamatuma saniatigut piumasaqaataavoq isuani nunamut ikkussisoqarsimanissaq.

§ 86. Atortuni kabeleqarfiusunik suliaqarnerup aallartinnginnerani isuani nunamut ikkussineq suliarineqassaaq.

Imm. 2. Atortut kabeleqarfuit ledninginut silaannakkoortunut ikkussimappata taava tamatuma saniatigut sulinermut atatillugu nunamut ikkussineq pilersinneqassaaq, atortup kabeleqarfiup aamma ledningit silaannakkoortut ikaarsaariarnerisa akornanni.

§ 87. Nunamut ikkussanik ikkussivissat imatut toqqarneqassapput, taakkununnga sikringit imaluunniit qamitsissutit taakkua aamma sumiiffiup suliaqarfiup akornanniissanatik.

Imm. 2. Nunamut ikkussat ikkussivissat aamma sumiiffiup suliffusup akornanni immikkoortitsissutinik peqarpat. taava taakkua ikkusimatillugit paarnaarneqassapput.

Imm. 3. Nunamut ikkussineq atortuni fabrikini naammassillugit suliarineqarsimasuni qamittaait aqqusaarlugit suliarineqarsinnaapput, taakkua siunertamut tamatumunnga ilusilersoneqarsimappata, qamittaat asserneqarsimappat taamaalillunilu innaallagissamik imaluunniit mekaniskiusumik attaveerutsinnejqarsinnaanatik.

§ 88. Sulinermut atatillugu nunamut ikkussineq inissinneqarsimassaaq imatut, taanna sumiiffimmi suliffusumi takuneqarsinnaalluni, taamaattorli tak. imm. 2 aamma 3.

Imm. 2. Sulinermut atatillugu nunamut ikkussineq maskiinamut imaluunniit transformerimut ikkussinermut atortoqartumut ikkussinermut atortumi inissinneqarsinnaavoq, tamatumani piumasarineqarluni maskiina imaluunniit transformerri aamma ikkussinermut atortoq ima assigiitsigisumik nalunaaqutsernejqarsimallutik, kukkusqarsinnaanera pinngitsoorneqarsinnaalluni.

Imm. 3. Inimi stationeqarfiusumi sulinermut atatillugu nunamut ikkussineq iikkap illuatungaanut inissinneqarsinnaavoq imaluunniit quleriit akornani, sulinermut atatillugu nunamut ikkussinissamut allamik sumiiffimmi periarfissaqanngippat.

§ 89. Nunamut ikkussineq aamma kortsluttiineq avissaartitsiffimmi illugiisillugu suliarineqassaaq, avisaaartitsineq sioqqullugu suliarineqassaaq, imaappat

- 1) aqqutit sulinerup nalaani avissaartinneqassapput, imaluunniit
- 2) sulineq sumiiffiup avissaartitsiviusup illuatungiini tamani ingerlanneqarluni.

Imm. 2. Kabelinik suliaqarnermi nunamut ikkussineq aamma kortslutning kabelit isuini suliarineqarsinnaavoq.

§ 90. Isumannaallisaanermut iluutsit aamma illersuinermut aaqqissuussinerit atorunnaarsinnejassangillat imaluunniit peerneqassanatik suleqatigiinnik aqutsisup tamanut nalunaarnissa sioqquullugu, tassa sulinermi peqataasimasunut taakkua atorunnaassasut aamma atortut ilaat, sulinerup nalaani sarfaqarsi-manngitsut tamatuma kingornatigut sarfamik ingerlaffiusutut isigineqartariaqassasut.

Imm. 2. Suleqatigiinnik aqutsisumit periarfissaanngippat sulinermi peqataasimasut tamaasa imm. 1 naaperlorlugu nalunaarfiginissaat, allatut iliornikkut qulakkeerneqassaaq inunnut navianartorsiornermik pilersitsisoqannginnissaat.

§ 91. Atortunik innaallagiartortunik sarfaqanngitsunik suliaqarnerup naammassineqarnerata kingornatigut inuit sulinermi peqataasimassut tamarmik ilisimatinneqassapput makkuninnga, tassa

- 1) sulineq naammassineqartoq,
- 2) isumannaallisaanermut aamma illersuinermut aaqqissuussinerit pilersinneqarsimasut unitsinneqartut, kiisalu
- 3) tamatuma kingornatigut atortoq sarfamik ingerlaarfiusutut isigineqalissaq.

§ 92. Suleqatigiinnik aqutsisup atortup ilaata ikkunneqarnissaminut piareernerpi sioqquullugu qulakkiissaava, tassa

- 1) isumannaallisaanermut iliuuserineqarsimasut aamma illersuinermut aaqqissuussat peerneqarsimane-rat,
- 2) sakkut, savequtit aamma atortussiat atorneqartussaanngitsut atortup ilaanit peerneqarsimasut, kiisalu
- 3) atortumut assersuutit aamma qallitutigineqarsimasup pilersinneqarsimanerat.

§ 93. Ikkussineq aatsaat pissaaq ikkussinissamut aqutsisoq

- 1) suleqatigiinnik aqutsisumit piareerneq pillugu nalunaarummik tigusaqareerpat aamma
- 2) qulakkeerneqareerpat illersuinissamut aaqqissuussat pilersinneqarsimasut peerneqarsimanerat.

§ 94. Sulinerup naammassineqareernerata kingornatigut ikkussinermut aqutsisup qulakkiissavaa, ikkussinermut skemap aaqqinnejarnissaat atortup innaallagiartortup maannakkorpiaq qanoq ikkunneqarsimaneranut naapertuuttumut.

Kapitali 16

*Atortunik sarfakitsunik sarfaqartillugit suliaqarnermi periutsit taakkunani
imaluunniit taakkua eqqaanni*

Ataatsimut isigalugu

§ 95. Atortunik sarfakitsunik sarfaqarneranni suliaqarnermi periutsit taakkunani imaluunniit taakkua eqqaanni taamaallaat sulisoqarsinnaavoq navialisoqarsinnaaneranik naliliineq tunngavigalugu aamma inummit paasisimasalimmit immikkut ilisimasaqartumik aamma atortunik sarfakitsunik sarfaqarneranni suliaqarnermik misilittagaqartumik.

§ 96. Atortunik sarfakitsunik sarfaqarneranni suliaqarnermi periutsit taakkunani imaluunniit taakkua eq-qaanni inunnik paasisimasalinnik marlunniik, taamaattorli tak. § 98, imm. 2, taakkuninnga ataaseq suleqatigiinnik aqutsisuussaaq suliaqarnermilu periutsinik aqutsisuussaalluni.

Imm. 2. Inuit atortunik sarfakitsunik sarfaqarneranni taakkunani imaluunniit taakkua eqqaanni sulinissa-put ilinniartinneqartut, atortunik sarfakitsunik sarfaqarneranni taakkunani imaluunniit taakkua eqqaanni sulinermik ingerlatsisinaapput inummit paasisimasalimmit nakkutigineqarlutik.

§ 97. Ledninginik silaannakkoortunik suliaqarneq suleqatigiinnik ingerlanneqassaaq, taakkua tassaassap-put suleqatigiinnik aqutsisoq aamma ikinnerpaamik inuk alla. Taakkua marluullutik suliamik ingerlatsineq tamakkerlugu summifimmilu suliaqarfimmisapput.

Imm. 2. Ledninginik silaannakkoortunik suliaqarneq qamutaasomit qummukartittakkamiit inummit ataatsimit ingerlanneqarsinnaavoq, suliamik ingerlatsineq tamakkerlugu inummik allamik najuuttoqarpat.

Imm. 3. Inuk suliaqarnermk ingerlatsisoq, tak. imm. 2 paasisimasaliunngippat, taava pineqartoq suliamut atatillugu navialissutaasinnaasut pillugit aamma ajutoortoqartillugu annaassiniarnermut periarfissat pillugit ilitsorsorneqarsimassaaq.

§ 98. Kabelit, kabelinut sikaaviit, kabelinut katiteriffit (tavler) imaluunniit assigisaanni sarfaqartillugit suliaqarneq imaluunniit taakkua eqqaanni inummit ataatsimit ingerlanneqarsinnaapput, suleqatigiinnik aqutsisoq, sumiiffiup suliaqarfiup eqqaani inoqartillugu taamaalilluni inuk taana ajutoortoqarpat pilertortumik akulerussinnaalluni.

Imm. 2. Inuk sumiiffiup suliaqarfiup eqqaaniittooq paasisimasaliunngippat taava pineqartoq ajutoortoqartillugu ikiuinissamut ilitsorsorneqarsimassaaq.

Imm. 3. Navialisoqarnissaanut nalilersuineq tunngavigalugu suliaq inummit ataatsimit sularineqarsinnaavoq, suleqatigiinnik aqutsisoq, tamatumani pineqarpat ingerlatsinermik periuseq ajornanngitsusoq aamma pineqartup navialisinnaanera annertusissanngippat.

Suleqatigiinnik aqutsisoq

§ 99. Suleqatigiinnik aqutsisup sulinerup aallartinnginnerani qulakkiissavaa, isumagissavaa piareersaas-saaq taamaaliornermigut qulakteerniarlugit,

- 1) kortslutning imaluunniit nunamut attuuttoortitsineq sakkunit imaluunniit atortussianik pinngitsoornisa, kiisalu
- 2) kikkulluunniit sarfalinnik toqqaannartumik attuisuunnginnissaa.

§ 100. Suleqatigiinnik aqutsisup sulinerup aallartinnginnerani suleqatigijit ilitsersussavai makku pillugit

- 1) sulinermi ingerlatsinerup annertussusia,
- 2) sumiiffiup suliffiusup killilersonerarnera,
- 3) atortut ilaat suliffimmi sarfamik ingerlaffigineqartut imaluunniit sumiiffiup suliffiusup eqqaani,
- 4) suliassap qanoq sularineqarnissaa, aamma
- 5) isumannaallisaanermut iliutsit §§ 105-106 aamma §§ 108-109 naapertorlugit.

§ 101. Suleqatigiinnik aqutsisoq sulinermi periutsip ingerlanneqarnerata nalaani, nakkutilliissaaq aamma qulakkiissavaa, tassa

- 1) ilitsersuutit malinnejarnissaat,
- 2) illersuinissamut iliuutsit pilersinneqarsimasut atuunnissaat, aamma
- 3) sulinerup unitsinneqarnissaa sulinerup nalaani arlaannik pisoqarpat, tamanna pisariaqalersimalluni.

§ 102. Atortunik sarfakitsunik sarfaqarneranni taakkunani imaluunniit taakkua eqqaanni suliaqarneq i-ngerlanneqareerpat sakkut tamarmik, atortut aamma savequtit peerneqassapput kiisalu inuit sulinermi peqataasimassut tamarmik ilisimatinneqassapput makkuninnga, tassa

- 1) sulineq naammassineqartoq,
- 2) isumannaallisaanermut aamma illersuinermut aaqqissuussinerit pilersinneqarsimasut unitsinneqartut.

Kapitali 17

*Atortunik sakkortuumik sarfalinnik sarfaqartillugit suliaqarnermi periutsit taakkunani
imaluunniit taakkua eqqaanni*

§ 103. Kinaluunniit navianartorsiorfiusinnaasup killinganut piaarinani isernissaa pinngitsoorniarlugu isumannaallisaanermut iliuutsit makkua ingerlanneqassapput, tassa atortunik sakkortuumik sarfalinnik sarfaqartillugit taakkunani imaluunniit taakkua eqqaanni suliaqarnermi, taamaattorli tak. § 129:

- 1) Isumannaallisaanermut ungasissutsimik aalajangersaaneq.
- 2) Assersuutinik, assiaqutinik imaluunniit attuutitsinaveersarluni matoorutinik pilersitsineq.
- 3) Mianersornissamut ilisarnaatinik nappaaneq.

Imm. 2. Isumannaallisaanermut iliuutsit tak. imm. 1 sulinermik aqutsisumik aalajangerneqassapput aamma innersuussutigineqarlutik imaluunniit ilitsersuussutigineqarlutik.

§ 104. Atortunik sakkortuumik sarfalinnik sarfaqartillugit taakkunani imaluunniit taakkua eqqaanni suliaqarnermi isumannaatsuunissamut ungasissuseq naatsorsorneqassaaq atortumi atortut ilaasa sarfamik i-ngerlaffiusup tapinnaallisaateqanngitsumit aamma imatut aalajangerneqassaaq, periutsip suunera apequaqtatillugu, sivisussusia aamma katitigaanera apequaqtatillugit ungasissutsimut naammattumik ilassute-qartoqassaaq D_L.

Imm. 2. Isumannaallisaanermut ungasissuseq sulinermik aqutsisumit aalajangerneqassaaq navianarsin-naasunik nalilersuinermut atatillugu, tak. § 47.

§ 105. Assersuutit aamma assiaqutit isumannaallisaanermut ungasissutsip aalajangerneqartup tassa atortup ilaata sarfallit tapinnaallisaateqanngitsup iluani inissinneqartut, tassaassapput saattukujuut tapinnaallisaatillit innaallagissamut aamma mekaniskiusumut atortussiat, taakkua namminneq sarfamut isumannaatsuussapput atortup ilaani pilersinnaasunut.

Imm. 2. Assersuutit aamma assiaqutit, tak. imm. 1, napparneqarsinnaassapput aamma aqqarneqarsin-naassapput isumannaallisaanermut ungasissuseq timip ilaanit sumilluunniit attornagit.

§ 106. Mianersoqqusilluni nalunaaqutsersuineq nalunaaqutsiinermut atortussiat atorlugit suliarineqas-saaq tassaasunik:

- 1) Allagartat mianersoqqussutit sangujoraartunik qarsuusalinnik maleruaqqusat atuuttut naapertorlugit aamma allatut kaleriissutit atorlugit, imaluunniit
- 2) erfalsut sungaartut assinganik nalunaaqutsikkat atorlugit.

Imm. 2. Mianersoqqusilluni nalunaaqutsiineq atortut ilaasa tapinnaallisaateqanngitsut ungasissutsimit Dy-mit imaluunniit isumannaallisaanermut ungasissutsit aalajangerneqarsimasumit qaninnerunngitsup iluani, taamaattorli tak. imm. 3.

Imm. 3. Atortuni sakkortuumik sarfalinni sarfaqanngitsuni suliaqarnermi taakkunani imaluunniit taakkua eqqaanni suliaqarnissaq sioqqullugu mianersoqqusilluni nalunaaqutsiineq ilaannut toqqaannartumik imaluunniit qanitsillugit inissiinissaq akuerisaavoq, taakku sarfaqartillugit atuinnarneqarsinnaappata, taman-na pisariaqassappat tassa taakkuninnga nalunaaqutsiineq sunniuteqarluarsinnaalluni apeqquaavorli, tas-sa

- 1) mianersoqqusilluni allagartat atorneqartut tassaassapput atortussiat tapinnaallisaatillit,
- 2) allagartat napparneqassapput amitsukujuumut napasumut (isolerstang) tamakkununnga naatsorsuutigisumut, sakkut aamma savequtit pillugit aalajangersakkat naapertorlugit eqqortitsisumut, tak. §§ 53-55, kiisalu
- 3) isumannaallisaanermut ungasissutsip allagartanik ikkussinermi aamma aqqaanermi timip ilaanit sumil-luunniit qaangerneqannginnissa.

§ 107. Sumiiffik suliffusoq nalunaarsorneqassaaq makkuninnga:

- 1) ungerutissanik sungaartunik/qernertunik nivinngaalluni, imaluunniit
- 2) assersuutinik imaluunniit assiaqtinik mianersoqqusummit nalunaaqatalinnik.

§ 108. Suleqatigiinnik aqutsisup inuk isumannaallisaasussaq toqqassavaa mianersoqqussutinik nalunaa-qutseruineq aammattaaq illersuutinut atortunik pilersitsinissaq aamma piiaanissaq sioqqullugu. Suliner-mi periutsinik ingerlatsinerup nalaani inuup isumannaallisaasussap, inuk suliassamik suliarinnittooq nakkutigissavaa taannalu kalerrissallugu, isumannaallisaanermut killiussamik qaangiinissaminut navianartorsiu-lerpat, taamaattorli tak. imm. 3.

Imm. 2. Inuk isumannaallisaasoq suliap ingerlanneqarneranut nammieq peqataassanngilaq aamma amerlanerpaamik inuit marluk nakkutigissavai, taakkua suleqatigiillutik suliamik ingerlatsippata aamma imminnut qanillutik inisisimappata.

Imm. 3. Atortunik innaallagiartortunik suliaqarnermi, taakkua ilaat sarfamik ingerlaffigineqartut tamak-kerlugit assersorneqartillugit atortut sanaamut ilanngunneqarsimasut imaluunniit ilanngullugit tunniuneqarsimasut, pisiffigisap innersuussutai naapertorlugit atorneqarmata, taava inummik isumannaallisa-soqarnissaa piumasaqaataanngilaq.

§ 109. Mianersoqqusilluni nalunaaqutseruutinik aamma illersuiniarluni atortunik pilersitsinermi aamma piiyanermi, atortut sakkortuumik sarfallit sarfaqanngitsut eqqaanni suliaqarnermi kapitalit 13 aamma 15 atuupput.

Imm. 2. Mianersoqqusilluni nalunaaqutseruutinik aamma illersuiniarluni atortunik pilersitsinermi aamma piiyanermi, atortut sakkortuumik sarfallit sarfaqanngitsut eqqaanni suliaqarnermi kapitalit 13 aamma 18 atuupput.

Kapitali 18

Atortunik sakkortuumik sarfalinnik sarfaqartillugit suliaqarnermi periutsit

Ataatsimut isigalugit

§ 110. Atortunik sakkortuumik sarfalinnik sulinermi sarfaqarneranni suliaqarnermi periutsit taamaallaat ingerlanneqarsinnaapput navialisoqarsinnaaneranik naliliineq tunngavigalugu aamma inummit paasisimasalimmit immikkut ilisimasaqartumik aamma atortunik sakkortuumik sarfalinnik sarfaqarneranni suliaqarnermik misilittagaqartumik.

§ 111. Atortunik sakkortuumik sarfalinnik sarfaqarneranni suliaqarnermi periutsit ingerlanneqassapput ikkussisarnermut aqutsisoq suleqatigalugu.

Imm. 2. Ikkussisarnermut aqutsisup ilisimassavaa kina suleqatigiinnik aqutsisuunersoq aamma taanna qanoq attaveqarfingineqarsinnaanersoq.

§ 112. Atortunik sakkortuumik sarfalinnik sarfaqarneranni suliaqarnermi periutsit sumiiffimmi suliffiusumi suleqatigiinnik aqutsisumit aqunneqassapput, taanna suliaqarnermi periutsit ingerlanneqarnerat tamakkerlugu najuutissaq.

Imm. 2. Suleqatigiinnik aqutsisup ilisimassavaa kina ikkussisarnermut aqutsisuunersoq aamma taanna qanoq attaveqarfingineqarsinnaanersoq.

§ 113. Atortunik sakkortuumik sarfalinnik sarfaqarneranni suliaqarnermi periutsit ikinnerpaamik inunnik marlunniq ingerlanneqassapput, taakkununnga ilaalluni suleqatigiinnik aqutsisoq. taakkunani imaluunniit taakkua eqqaanni inunnik paasisimasalinnik marlunniq, taamaattorli tak. § 98, imm. 2, taakkununnga ataaseq suleqatigiinnik aqutsisuussaaq suliaqarnermilu periutsinik aqutsisuussalluni.

Imm. 2. Navianartorsiorsinnaanermut naliliineq tunngavigalugu inuup ingerlatsinermut akisussaasusup ilitsersuuteqarnermigut akuersissutigisinnaavaa suliassap inummik ataasiinnarmi sularineqarnissaa, tamumani pineqarpal suliamic periuseq imaluunniit ingerlatsinermi periuseq ajornanngitsoq, kiisalu pineqartumut navianartorsiorsinnaaneq annertusissanngippat.

Sulinermi periaaseq

§ 114. Atortunik sakkortuumik sarfalinnik sarfaqarneranni suliaqarnermi periutsit ingerlanneqassapput amitsukujumik attuunnaveersaasikkamik periaaseq atorlugu, tassa navianartorsiorfiusinnaasut killinginut sakkut aamma atortussiat atortut ilaannut sarfalinnut, amitsukujuut attuunnaveersaasikkat tulluartut atorlugit eqqunneqassapput.

Imm. 2. Suliarmi periaatsit allat akuerineqarsimasut, tak. EN 50110, atorneqarsinnaapput amitsukujuumik attuunnaveersaasikkamik periaaseq taarsiullugit, tak. imm. 1.

§ 115. Navianartorsiorsinnaanermik naliliinermi paasineqarpal suliaqarnermi periutsimi ingerlanneqartussami pisariaqartoq, taava inuk isumannaallisaasussaq toqarneqassaaq

Imm. 2. Inuk isumannaallisaasoq tassaasinnaavoq suleqatigiinnik aqutsisoq aamma sulinermi ima anner-

tutigisumik peqataasinnaavoq, tamanna nakkutiginninnissamut akornusersuutaatinnagu, tassa suliamik i-ngerlatsisunut aamma mianersoqqunissaannut, isumannaallisaanermut ungasissutsip qaangertoorneqalis-sagaluarpas.

Sulinermi atugassarititaasut

§ 116. Atortunik sakkortuumik sarfalinnik sarfaqarneranni suliaqarnermi periutsit ingerlanneqarnerat piissaaq suliaqarnissamut ilitsersuut allaganngugaq tunngavigalugu.

Imm. 2. Suliaqarnermut ilitsersuut, tak. imm. 1, suliarisassap suuneronut naleqqussagaassaaq aamma su-leqatigiinni peqataasunut tamanut ataasiakkaanut tunniunneqassalluni.

Imm. 3. Suliaqarnermut ilitsersuut, tak. imm. 1, suliassamut ataasiinnavimmut suliarineqarsinnaavoq ima-luunniit suliassanik ingerlatsinernut assigiaartunut ataatsimut isiginnilluni atuutsinneqarsinnaasunngor-lugu.

Ikkussisarnermut aqutsisoq

§ 117. Ikkussuisarnermut aqutsisup piareernerup nalunaarutiginissaa sioqqullugu qulakkiissavai, tassa 1) atortunut illersuutip ingerlanera aamma imatut inissinneqarsimassasoq, tassa sumiiffimmi suliaqarfiusumi ajortittoortoqassagaluarpat pilertortumik qamitsisoqarsinnaalluni,

2) automatiskiusumik ikkussisarnermut atortut atorsinnaajunnaarsimanissaat,

3) suliaqartoqarnerup nalaani passussinerterut saveqtit ikkunneqarsinnaannginnissaat, kiisalu

4) atortut nunamut ikkunneqarsimasutigut ajoquteqannginnissaat, taamaattorli takuuk § 118, imm. 2.

Imm. 2. Atortunik sakkortuumik sarfalinnik ingerlanerminni annertunerpaamik 24 kV tikillugu aamma i-lanngullugu sarfaqartuni suliaqarnermik periutsini, taava imm. 1 normu 2 saneqqunneqarsinnaavoq, i-maappat

1) suliaqarneq sivikitsuinnaappat imaluunniit

2) suliaqarneq annertunerusumik isumannaallisaanermi ungasissuseqarluni aamma nalunaaqutsiinerup i-sorartussusia navialisoorsinnaanermut naliliinermut naleqqulluni.

Suleqatigiinnik aqutsisoq

§ 118. Suleqatigiinnik aqutsisup suliaqarnermi periutsit aallartinneqannginneranni qulakkiissavai, tassa

1) suliaqarnerup ingerlanneqarnissaa suliaqarnissamut ilitsersuisimaneq naapertorlugu.

2) suliaqarnermi suleqatigiinnut peqataasut suliamut tassunga ingerlanneqartussamut pisariaqartumik i-linniartinneqarsimanissaat aamma sungiussisimanissaat

3) suliaqarnermi suleqatigiinnut peqataasut sukumiisumik ilitsersorneqarsimanissaat sakkut aamma save-qutit sorliit atorneqarnissaannut tunngatillugu,

4) ajoqutit aamma amigaataasut paasineqartut iluarsineqarsimanissaat,

5) napparutit aamma sanaartukkat ilaat nalunaaqutserneqarsimanissat suliaqarnermi ilitsersuummi isu-mannaallisaanermut ungasissusissaq malillugu, tassa suliaqarnermi periutini aalajangersarneqarsimasut naapertorligit, kiisalu

6) atortumi nunamut ikkussaasumi ajoquteqartillugu sulinerup aallartinnginnissaa, taamaattorli tak. imm.

2.

Imm. 2. Atortunik sakkortuumik sarfalinnik ingerlanerminni annertunerpaamik 24 kV tikillugu aamma ilanggullugu sarfaqartuni nunami ikkusimasut ajoqteqarneranni misissuinermi, imm. 1, normu 6 apeqqutaatinnagu aallartinneqarsinnaavoq.

§ 119. Suleqatigiinnik aqutsisup sulinerup aallartinnissa sioqqu llugu suleqatigiinni peqataasunut pisariaqartumik ilitsersuissaq makkua pillugit

- 1) sulinermi ingerlatsinerup annertussusia,
- 2) sumiiffiup suliffiusup killilorsorneqarnera, kiisalu
- 3) suliaqarnermi ilitsersuinerup imarisaa pillugu.

§ 120. Suleqatigiinnik aqutsisup sulinerup aallartinnissa sioqqu llugu, misissussavai tassa

- 1) sakkut aamma savequtit suliaqarnermi ilitsersuinermut naapertuuttuunerat,
- 2) atortut ilaat sulinerup nalaani ajutoornermut pissutaasinnaasut takuneqarsinnaasunik ajoqteqannginissaat,
- 3) savimerngit ilaat nunamut ikkunneqarsimanngitsut atortup nalinginnaasumik sarfamik atortut ilaasa ingerlatsinerannut ilangngitsut, kiisalu suliaqarnermut nalaani atorneqarsinnaasut, taakkua sarfaqannginissaat, kiisalu
- 4) sumiiffimmi suliaqarfimmi attaveqaqatigiinnermut attaveqaatit ikkussuinermut aqutsisumut naammaginartuunerat.

§ 121. Suliaqarnermi suleqatigiinni peqataasut sulinertik aallartissanngilaat, tamatumunnga tunngatillugu suleqatigiinnik aqutsisup akuersissuteqarnissa sioqqu llugu.

§ 122. Suleqatigiinnik aqutsisut suliaqarnermut periutsit ingerlaneqarneranni qulakkiissavaa, tassa

- 1) suliaqarnermi ilitsersuutip malinneqarnissa aamma
- 2) innaallagissap aqquaasa imminnut akunnerminni kiisalu innaallagissap aqquaasa aamma nunap aamma atortut allat ungasissusiat ima annertugisumik annikillissangngitsut, tamanna pissutigalugu navianartorsiotsisinnaallutik.

§ 123. Suliaqarnermi suleqatigiinni peqataasut suliamik ingerlatsinerup nalaani

- 1) suleqatigiinnik aqutsisup ilitsersuinera malissavaat.
- 2) isumannaallisaanermut ungasissutsit nalunaarneqarsimasut eqqortissavaat, kiisalu
- 3) sulineq unitsissavaat sumilluunniit ilimagineqisamik pisoqartillugu.

Imm. 2. Sulineq imm. 1, normu 3 naapertorlugu unitsinneqarpat sulinermi suleqatigiinnut peqataasut suleqatigiinnik aqutsisoq ilisimatissavaat aamma suliaqarnermut ingerlaqqinnissaanik suleqatigiinnik aqutsisut akuersissuteqarnissa utaqqissallugu.

§ 124. Suleqatigiinnik aqutsisup suliaqarnerup naammassineqareernerata kingornatigut,

- 1) nakkutigissavaa sakkut, atortut aamma savequtit atortunit peerneqarnissaat,
- 2) misissussavaa sakkut, atortut aamma savequtit suliaqarnerup nalaani aserorneqarsimanersut,
- 3) misissussavaa atortup suliaqarnerup nalaani ajoqusersimanersoq, kiisalu

4) inuit tamaasa suliaqarnermik ingerlatsinermut attuumassuteqarsimasut ilisimatissavai suliaqarnerup naammassineqarsimanera pillugu, aammalu isumannaallisaanermut iliuutsit aamma illorsorneqarnissamut atortut unitsillugit.

Kapitali 19

*Suliaqarnermi periutsit sakkortuumik sarfallit ilaasa sarfaqartut
sanianni suliaqarnermut tunngatillugu*

§ 125. Suliaqarnermi periutsip nalaani piffissaq tamakkerlugu ikinnerpaamik inuit marluussapput, taak-kununnga ilaalluni suleqatigiinnut aqutsisoq najuutissaaq.

§ 126. Sakkortuumik sarfallit ilaasa sarfaqartut eqqaanni suliaqarneq inummit paasisimasalimmi suliari-neqassapput.

Imm. 2. Silineq inunnit ilitsorsorneqarsimasunit ingerlanneqarsinnaasoq suleqatigiinnik aqutsisumik a-qutsisoqarluni aamma nakkutilliisoqarluni, tamatumunnga tunngaviussaaq navialisoqarsinnaaneranik nali-liineq. Taamaattorli tamatumani pineqanngilaq sakkortuumik sarfallit ilaasa sarfaqartut eqqaanni aaqqini-arluni sivikitsumik suliaqarneq, tak. §§ 129-132.

§ 127. Suliaqarnerup naammassineqarnerata kingornatigut illersuiniarluni iliuutsit pilersinneqarsimasut piiarneqassapput, taamaattorli tak. imm. 2.

Imm. 2. Illersuiniarluni iliuutsit pilersinneqarsimasut aatsaat piiarneqassapput suleqatigiinni aqutsisup:
1) Qulakkeereerpagu sakkut, iliuutsit aamma atortussiat attuumassuteqanngitsut atortup ilaannit piiarne-qareernerat, aamma
2) suliaqarnermi periutsini peqataasunut tamanut nalunaarutigereerpagut illersuiniarluni iliuutsit piiarne-qassasut.

Imm. 3. Periarfissaangippat imm. 2, normu 2 malissallugu, taava allatut qulakkeerneqassaaq navianartumik pisoqannginnissaa,

§ 128. Suliaqarnermi periutsit §§ 67-68-im aamma §§ 123-126 piumasaqaatinut ilaatinnejanngitsut makkuupput, naak sarfaqartut ilaasa eqqaanni qanillatorfiusinnaasup killingani suliaqarneq ingerlanneqaraluartoq:

- 1) Suliaqarneq ingerlanneqarsinnaasoq § 43, imm. 1-imik eqqortitsilluni.
- 2) Atortuni suliaqarneq atortut ilaat sarfaqartut suliaqannginnermi tamakkerlugin assorsorneqarsinnaasut atortut ilanngulligit sananeqarsimasut imaluunniit atortumut ilanngulligit pisiarineqarsimasut atorlugit, tassani malinneqarluni pisiffigisap atortup atorneqarnissaanut ilitsersuutai.
- 3) Maskiinani portusuuni sulineq imaluunniit ingerlaneq, tassani isumannaallisaanermut ungasissutsip malinneqarnerata naammaginarnera maskiinat sumiifimmi ingerlaffiini assiaqusersuisimanikkut imaluunniit assartuinermut aqquisinerni nalunaaqutsersuinikkut.

*Atortut sakkortuumik sarfallit sarfaqartut eqqaanni aaqqiniiarluni
sivikitsumik suliaqarneq*

§ 129. Illersuiniarluni aaqqiissutinik pilersitsiniarneq navianarpat aaqqiiniarluni suliaqarnerit siviksut suliarineqarsinnaapput, navalisoqarsinnaaneranik naliliineq tunngavigalugu isumannaallisaanermut ili-uutsinik allanik pilersitsinngikkaluarluni, isumannaallisaanermut ungasissuseq taamaallaat eqqortillugu, taamaattorli tak. § 84:

- 1) Atortuni taakkununga naatsorsuussaasuni aallaqqaataanit aallartittussangortitsineq.
- 2) Qanoq imaqartiginerinik aamma gasinik attuutsitsinaveersaataasunik misissuineq aamma taakkuningga immeeqqinnej.

§ 130. Suleqatigiinnik aqutsisup suliaqarnermi periutsip aallartinneqannginnerani suleqatigiit tamaasa makku pillugit ilitsersussavai:

- 1) suliaqarnermi periutsip annertussusia,
- 2) atortut ilaat sarfallit sumiiffiup suliaqarfiup qanittuiniittut,
- 3) sulinerup qanoq ingerlanneqarnissaa aamma
- 4) isumannaallisaanermut ungasissusissatut aalajangersarneqarsimasut.

§ 131. Navalisinnaanermut nalilersuinerup tamanna pissutissaqartippagu, taava suleqatigiinnik aqutsisup inummik isumannaallisaasussamik toqqaassaaq, taanna sulinermik periutsip ingerlanneqarnerani inummik suliamik ingerlatsisumik nakkutiginnissaaq, aamma kalerrissallugu isumannaallisaanermut ungasissusissaq qaangilissagaluarpagu.

Imm. 2. Inuk isumannaallisaasoq suliap ingerlanneqarneranut nammineq peqataassanngilaq aamma amerlanerpaamik inuit marluk nakkutigissavai, taakkua suleqatigillutik suliamik ingerlatsippata aamma imminnut qanillutik inisisimappata.

Imm. 3. Suleqatigiinnik aqutsisoq nammineq tassaasinnaavoq inuk isumannaallisaasoq, tak. imm. 1.

§ 132. Suleqatigiinnik aqutsisup sulinerup naammassineqarnerata kingornatigut qulakkiissavaa, tassa

- 1) sakkut, saveqtit aamma atortussiat atorneqartussaanngitsut atortunit peerneqarnissaat, aamma
- 2) atortup ingerlaqqilernera.

Kapitali 20

Atortunik innaallagiartortunik misissuineq aamma aserfallatsaaliuineq

§ 133. Atortunik innaallagiartortunik piginnittup qulakkiissavaa atortup atortut innaallagiartortut pissusissaanik aalajangersakkat naapertorlugit suliarineqarsimanera, tassa suliarineqarnerata nalaani imaluuniit piffissami kingusinnerusumi allanngortinneqarnerani atuuttut naapertorlugit.

Imm. 2. Ledningit silaannakkoortut 40 kV sinnerlugit sarfallit, 1. juuli 1980 sioqqullugu suliarineqarsimasut, imm. 1 apeqqutaatinngagu atortunik innaallagiartortunik suliaqarnermi isumannaallisaaneq pillugu nalaunarut napertorlugu suliarineqarsimassapput, tamatumani pineqarpoq nunamit inisisimanerisa portussiat aqqutit kissarnerpaaffianni.

§ 134. Atortunik innaallagiartortunik piginnittup qulakkiissavaa nunamut ingerlaneremi innaallagissap akimmisaarnera atortup nunamut ikkussamat piumasaqaatit naapertorlugit suliarineqarsimanissa, tassa piffissami atortup suliarineqarnerani atuuttut naapertorlugit.

§ 135. Atortunik innaallagiartortunik piginnittup qulakkiissavaa atortup tulluartumik akuttussuseqartumik misissorneqartarnissa, taanna atortut ataasiakkaat ingerlanneqarnerani pissutsinut naleqqussagaas-saaq.

§ 136. Atortunik innaallagiartortunik piginnittup qulakkiissavaa ledningit silaannakkoortut tulluartumik akuttussuseqartumik misissorneqartarnissa, taamaaliornikkut inunnut, uumasuutinut imaluunniit illuutinut navianaqqunagit.

§ 137. Atortunik innaallagiartortunik piginnittup qulakkiissavaa atortut nunamut attaveqaataasa tulluartumik akuttussuseqartumik misissorneqartarnissa, aamma atortut nunamut ikkussilluni attaveqaataasa pitsaassusiata allanngortannginnissa.

Imm. 2. Imatut pisoqartillugu nunamut attaviusut ilaat ajoquersimatillugit taava atortut nunamut ikkun-neqarsimasut taamatuttaaq tulluartumik misissorneqartassapput.

Imm. 3. Atortut nunamut attaveqaataasa misissorneqarneri aamma innaallagissap ikaarsaariarnermi a-kimmisaarneranik uuttusoqarsimappat inernerri pillugit nalunaarusiortoqassaaq. Nalunaarusiaq ingerlatsi-nermik pitsaassutsimik qulakkeerinninnermut atortumi toqqorneqassaaq, toqqorsimaneqassallunilu nalunaarusiamik nutaamik suliaqarnissap tungaanut, tak. ilanngussaq 1, immikkoortoq VI, normu 7.

Kapitali 21

Ingerlatsinerup pitsaassusianut qulakkeerinninnermut atortoq (SKS imaluunniit KLS-D)

§ 138. Atortumik innaallagiartortunik piginnittup ingerlatsinermut pitsaassutsimut qulakkeerinninnermik pilersitsissaaq aamma taanna suliffeqarfimmut ingerlatsinermut akisussaasuusumut atugassanngortissa-va, taamaattorli tak. imm. 2-3.

Imm. 2. Atortunik innaallagissamik pilersuinermik piginnittut 8 MW-imik minnerusumik imaluunniit assi-ghanik sakkortussuseqartunik 1000 V a.c. imaluunniit 1500 V d.c. sinnerlugit qaffassisusilimmik sarfaqr-tunik imm. 1-imi piumasaqaatinut ilaatinneqanngillat, imaappat atortumik ingerlatsinermut aqtsineq su-liffeqarfimmi ingerlatsinermut akisussaasuusumik isumagineqarluni, taannalu pitsaassutsimut qulakkee-rinninnermut atortumik pilersitsismalluni.

Imm. 3. Innaallagissamik sakkortuumik sarfalinnik ikkussukkanik piginnittiusut imm. 1-imi piumasaqaati-nut ilaatinneqanngillat, imaappat atortumik ingerlatsinermut aqtsineq suliffeqarfimmi ingerlatsinermut akisussaasuusumik isumagineqarluni, taannalu pitsaassutsimut qulakkeerinninnermut atortumik pilersitsi-simalluni.

§ 139. Pitsaassutsimut qulakkeerinninnermut atortoq, atortup innaallagiartortup ingerlanermini nioqqutissiarisanut naleqqussarneqassaaq, taanna atortumik ingerlatsinermut aamma suliffeqarfiup aaqqis-suussaanerata ilusaanut atatillugu pilersinneqarpat.

§ 140. Ingerlatsinerup pitsaassusianut qulakkeerinninnermut atortumut ilaassapput ilanngussaq 1-imi al-laaserineqartut, taamaattorlu immikkoortoq III-miittut ilaannaat, tassa atortup suuneranut attuumassute-qartut aamma atortumi ingerlatsinermut aamma suliaqarnermut periutsit suuneri apeqqutaatillugit.

Imm. 2. Suliffeqarfiup ingerlasinermut akisussasaasusup ilitsersuuit, suleriaatsit, nassuaatit aamma atortussiat allat ingerlatsinermi pitsaassutsimut qulakkeerinninnermut atortumut tunngasut tunniussinnaavai.

§ 141. Ingerlatsinerup pitsaassusianut qulakkeerinninnermut atortoq pappiaranngorlugu imaluunniit elektroniskiusumik uppernarsaasersugaassaaq taakkununngalu ilaassapput uppernarsaasersuuit attu-massuteqartut aamma nutarterneqarsimasut tulleriaarluarneqarsimasut aamma paasuminartunngukkat.

Imm. 2. Atortumik innaallagiartortunik piginnittup uppernarsaasersuutit pitsaassutsimut qulakkeerinnin-nermut ilaasut naniuminarnissaat qulakkiissavaa.

§ 142. Atortumik innaallagiartortunik piginnittup qulakkiissavaa, tassa

- 1) ingerlatsinerup pitsaassusianut qulakkeerinninnermut atortup, atortumik atuisunit tamanit pissarsiarenqarsinnaanissa,
 - 2) uppernarsaasersuutinik allannguutit pilertortumik aamma sunniuteqarluartumik atortumik atuisunut tamanut ilisimatitsissutigineqartarnissaat, kiisalu
 - 3) pitsaassutsimut qulakkeerinninnermut atortup suliffeqarfimmi ingerlatsinermut akisussaasuusumi atuutilersinneqarnissa aamma ingerlaavartumik atorneqartarnissaat nutarterneqartarnissaalut.

§ 143. Atortumik innaallagiartunuk piginnittup ingerlatsinermut pitsaassutsimik qulakkeerinninnermut atortup isumannaatsumik toqqortarissavaa.

Imm. 2. Qarasaasimi (elektroniskiumik) toqqortarinninnej imatut pissaat piffissaq toqqortarinniffiusoq tamakkerlugu periarfissaassalluni, atortup ilaanit tulluartunik pissarsisoqarsinnaassalluni.

Imm. 3. Ingerlatsinerup pitsaassusianut qulakkeerinninnermut atortoq Innaallagissiornermut Oqartussat noqqaassutigippassuk tunniunneqassaaq.

§ 144. Atortumik innaallagiartunuk piginnittup qulakkiissavaa suliffeqarfimmi namminermi kukkuner-siuisoqarnissa, taamaaliornikkut ingerlatsinerup pitsaassusianut qulakteerinninnermik atortup pitsaas-susia aamma atuutilersinnejarsimanera misilinneqarniassammatt.

Imm. 2. Suliffeqarfimmi namminermi kukkunersiuineq pitsaassutsimik qulakkeerinninnermut atortunikukkunersiuinermi nunat tamalaat akornanni nalinginnaasut atorneqartartut akuerisaasut naapertorlugit ingerlanneqartassaaq, imaluunniit ikinnerpaamik ukiumut ataasiarluni suliffeqarfimmi namminermi kukkunersiuinermut pilersaarut malillugu.

Imm. 3. Suliffeqarfimmi namminermi kukkunersiuineq kukkunersiusunit, atortumik innaallagiartortumik ingerlatsinermut namminneq peqataangngitsunik, ingerlanneqartassaaq aamma atuarsimanermikkut kiisalu piviusumik suliffeqarfimmi namminermi kukkunersiuinermik misilittagaqartunit.

*Imm. 4. Atortumik innaallagiartortunik piginnittup qulakkiissavaa suliffeqarfimmi namminermi kukkaner-
siineq pillugu nalunaarusiortoqarnissa, tassani tunngavagineqassaaq suliffeqarfimmi namminermi kuk-
kunersiuneq ingerlanneqartoq. Kukkanersiunermi nalunaarusiamni uniuninerit paasineqartut, pitsanggor-
titsinissamut siunnersuutit aamma pitsaassutsimik qulakkeerinninnermut atortoq pillugu oqaaseqaatit
taakkualu uppernarsaasersorneqassapput, tak. ilanngussaq 1, immikkoortoq VI, normu 8.*

§ 145. Atortumik innaallagiartunuk piginnittup qulakkiissavaa pitsaassutsimut qulakteerinninnermut atortup nalilorsorneqartarnissaan nunat tamalaat akornanni qulakteerinninnermut atortunut nalinginna-

sut atorneqartartut akuerisaasut naapertorlugit imaluunniit ikinnerpaamik ukiumut ataasiarluni.

Imm. 2. Nalillersuineq taamatuttaaq ingerlanneqartassaaq ajutoornernut aamma pisunut isumannaallisaa-nermut attuumassuteqartunut atatillugu.

§ 146. Atortumik innaallagiartortunik piginnittup qulakkiissavaa iliuutsit naleqqussaanermut pisariaqr-
tut aallartinneqarnissaat unioqqitsinerit pinngitsoortinniarlugu, tamakkua nalaanneqaqqissanngimmata.

*Imm. 2. Iliuutsit naleqqussaanermut tunngatillugu aallartinneqartut pitsaassutsimik qulakkeerinninner-
mut atuisunut ilisimatitsissutigineqassapput.*

§ 147. Atortumik innaallagiartortunik piginnittup qulakkiissavaa iliuutsit pinaveersaartitsissutaasut pisa-
riaqartut aallartinneqarnissaat, tassa isumannaallisaa-nermut tunngasunik ajoqutinik aamma amigaataasu-
nik paasiaqartoqarpat.

Kapitali 22

Pineqaatissiissutit

§ 148. Uppernarsaasersuutinik suliaqanngitsoornerit tak. § 4, immi. 2, unioqqitsinerit ukuninnga §§ 6,7,
9 aamma 10, atugassarititaasunik aalajangersarnejarsimasunik unioqqitsinerit ukuninnga § 11, imm. 5,
imaluunniit unioqqitsinerit ukuninnga § 18, imm. 1, §§ 19-39, § 40, imm. 1, §§ 41-43, § 44, imm. 2-3, § 45,
§§ 47-97, § 98, imm. 1, §§ 99-108, § 109, imm. 1, § 110, § 111, imm. 1-2, § 112, § 113, imm. 1, §§ 114-
120, § 121, imm. 1-2, §§ 122-126, §§ 128-129, § 130, imm. 1-2, §§ 131-136, § 137, imm. 1, § 138, § 139,
imm. 1, aamma §§ 140-147, pillaammik akiliisinneqarnermik kinguneqarsinnaapput.

*Imm. 2. Inuit inatsisitigut pisinnaatitaasut pisussaatitaasullu pillaammik akiligassamik akiliisussanngortin-
neqarsinnaapput Kalaallit Nunaanni pinerluttulerinermi Inatsit naapertorlugu.*

*Imm. 3. Pillaammik akiliisitsinerit nalunaarut manna naapertorlugu Nunatta Karsianut nakkartinneqas-
sapput.*

Kapitali 23

Atuutilersitsineq aamma ikaarsaariarnermi aalajangersakkat

§ 149. Nalunaarut atuutilissaaq ulloq, 1. januaari 2020.

§ 150. Suleqatigiinnissamut isumaqatigiissutit 1. januaari 2020 sioqquillugu suliarineqarsimasut, nutaanik
isumaqatigiissusiornissap tungaanut, atuutiinnassapput. Taamaattorli isumaqatigiissutit taaneqartut ki-
ngusinnerpaamik 30. juuni 2021 allanngortinneqarsimassapput.

§ 151. Innaallagissiornermut Oqartussanut ingerlatsinermut aqutsisut 1. januaari 2020 sioqquillugu nalu-
naarutigineqarsimasut atuutiinnassapput, taakkua atorunnaarnissaasa imaluunniit akuersissutit utertin-
neqarnissaasa tungaanut.

*Imm. 2. Ingerlatsinermut aqutsisut Innaallagissiornermut Oqartussanut 1. januaari 2020 sioqquillugu na-
lunaarutigineqarsimasut, pisussaaffinnut ilangngutissapput najoqququtassaq manna naapertorlugu suliffeqar-*

finnut ingerlatsinermut akisussaasuuusunut aamma inummut ingerlatsinermut akisussaasuuusumut pisus-saaffigilerneqartunut.

Innaallagissiornermut Oqartussat, ulloq 12. december 2019

Michael Petersen

/

Jane Lynge Hansen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut